

75217.58/131-0

6

6

HARVARD COLLEGE LIBRARY
FROM THE
HARVARD-YENCHING
INSTITUTE

MAR 1 1932

御選宋詩卷第十七目錄

五言古詩八

王庭珪七首

呂本中八首

陳與義十二首

沈與求三首

程俱十六首

陳淵八首

朱弁三首

曹勣三十首

朱松二十一首



御選宋詩卷第十七目錄

五言古詩八

王庭珪七首

呂本中八首

陳與義十二首

沈與求三首

程俱十六首

陳淵八首

朱弁三首

曹勛三十首

朱松二十一首



UNIVERSITY OF CHICAGO
HARVARD-YENCHING
INSTITUTE
1951

朱棹二首一首

鄭剛中二十三首

朱弁三首

刺微八首

對興十六首

與宋三首

刺與美十二首

呂本中八首

王與廷十首

五言古詩八

御選宋詩卷第十七目錄



御選宋詩卷第十七

五言古詩八

王庭珪

寄胡邦衡兼簡陳僉判黃書記

斯文久寂寞誰應擅雕龍萬事問伯始今復得此公濤

瀾翻筆舌錦繡蟠心胸平時吐佳句逸氣如長虹制策

收俊異行當推選鋒元龍湖海士江夏無雙童詞彩俱

秀出春葩發青紅鏗鏘排律呂純音玉琤琮草木吾臭

味坐隔神螺峯遙聞出荆產長松想清風安得賈餘勇

提戈譟其中且願試音響徑須撞巨鐘書卷翠閣陳口

御選宋詩卷第十七 王庭珪

徐遵牙詩 卷二
戶牖鄰清閔深夜客扣關開門見修竹人與竹俱閒雨
竹窗外響風從屋頭還羨君屏百事讀書蒼翠間刺口
談治亂筆挾風霜寒更覽珠玉文洗我冰雪顏歸來興
未盡危坐聽珊珊
秋夜西園獨步
清夜遊西園竹影亂秋月穹色湛虛明林光益竒絕人
閒睡正著那知此時節坐觀衡陽移領畧風煙別沆瀣
洗天宇一飲醒毛髮氣與南山高青蒼助施設池塘收
綠淨星斗轉空闊微雲點太清須臾亦自滅明朝問此
境勝處不可說却恐雞三號開門走車轍

題禾山蕭秀才卧雲菴

江南山盡頭氣狀頗英淑禾山倚天開蒼翠滿林麓扶
輿磅礴起橫斷湘江曲中有隱君子結屋在深谷未放
雲出山蟠雲卧幽獨暮簷青潑眼遠靄寒山竹景色嘉
有餘幽人夢初熟起看柱礎潤山前雨應足

題洪覺範方丈

曲徑通禪房闢戶得佳境適從闌闌至頓覺耳根靜古
木含蕭森寒梢發光景牆圍數竿竹中藏大千境月從
天上來入林散清影爐焚薰佛香盃注浮雪茗客散羣
動息茲焉發深省

遊貢遊洞

竄身楚西極幽竒頗窮歷况此古道旁橫天竦蒼壁何

年始開鑿工如鬼鑿刻飛空數百丈突出清鯨額那知
風雨時雲雷升窟宅事跡隨渺茫探討失圖籍豈無高
世士於此煉金液不能久徘徊上馬空歎息

江亭候施倅醇翁阻水漲作詩寄之
夜雨漲溪碧天明望歸舟飛帆出木杪浩蕩兀中流洪
崖仙人姿謂落滄海遊興盡却回棹待此霖潦收抱琴
出竹迎倒披翠雲裘風濤正可久煙波生暮愁

呂本中

同諸子遊城東園

昔聞城東園欲往常不欵今來天氣佳茶甌起衰嬾杖
藜出門去如膜開病眼木葉犯新霜瓜田帶餘暖川源

疑有無風雲遞舒卷不期魚鳥會偶逐鷗鷺遠淺水亂
菰蒲荒亭芊苔蘚青山近在望更悟秋意晚同行二三
子詩語各蕭散不愁罰觴難苦恨白日短千秋高陽池
令人憶山簡

雨後月夜懷沈宗師承務

雨雲攬江色偃蹇破昏睡千花閉紅紫妙見一室內披
衣行夜永明月在船背微風過蕭瑟古柳立蒼翠翛然
一蒲團堅坐覓詩對我生無南北所到意趣遂孰知十
年遊保此清淨退頗念城北人結友老松檜漫隨長鋏
歸甘作短檠棄出門萬里塗已駕安得稅何當持被來
把酒相就醉

宿楚丘懷石子植顏平仲趙才仲

暮行楚丘北適與寒雨會旅舍一尺泥又乏芻秣費故人渺天涯客子初夜至披衣附殘火煮茗當晚饋昏昏傍孤枕悄悄入清睡向來談笑聲已若異世事但覺舌本間尚有宿酒味鴻鵠乘秋風意在網羅外強飯無多談此語敢失隊

春風

春風隨長江一日行萬里蕭條起岷山歛忽度揚子江南千酒樓春風樓上頭金樽開翠幄青帘吹客愁長堤二月暖寒溪千古流紛紛桃李花處處作芳華不見梁間燕空悲王謝家

洞庭

嘗聞洞庭湖秋至清皎潔往來八百里長風駕明月中有仙人居容顏若冰雪我願從之遊問渠傳寶訣脫冠卷霞佩長與塵世別

河堤

平田接長河眼界起突兀今日並堤行麥隴青已出客行不知晚但感此節物新霜被西山久厭塵土沒坐懷故人面於此見髣髴

離洪州渡西江至翠微寺紫清宮

平明渡西江西山正崔嵬中流欲浪作細雨隨風回促權赴前浦頗為風雨催寒沙引細路人家山半隈密雲

陰修竹久旱無莓苔晚入翠微寺諸峯環抱來其西洪
崖居百代所仰懷何年蛟龍怒更擊深山開懸瀑瀉洪
井噴噫藏風雷客行少休息暫此得徘徊城中二三老
咫尺不得陪豈無凌風翰邀致山中臺澗水清且寒可
以當餘杯獨來不敢久恐爲神物猜
平田對送尹少稷賢良還懷玉山與許來
青松在庭檻乃受衆目憐念彼歲寒枝肯爭桃李妍不
如卧澗壑歲久霜雪前尹侯東州英炯若珠在淵避地
走南荒因循留瘴煙歸來懷玉山草草屋數椽深居絕
萬慮讀書欲忘年偶出到城市頗厭塵囂煎搜腸出妙
語贈我以長篇行潦被注挹朽木煩雕鐫紛紛車馬間

孰能知子賢別歸值短晷肯復更留連我來百事廢鈍
馬難加鞭清霜粲屋瓦白雲常在天悵望子所居欲去
無黃緣

幽窗陳與義

汝州吳學士觀我齋分韻得真字

狂夫縛軒冕自許稷契身靜者樂山林謂是羲皇人不
如兩忘快內保一色醇偉哉道山傑滯此汝水濱大來
會闊步小憩得幽欣一齋有琴酒萬事無緇磷不作子
公書肯受元規塵人言君侯癡我知丈人真月明泉聲
細雨過竹色新是間有真我宴坐方申申
不齋寄題兗州孫大夫絕塵亭二首

不讀遠遊賦放懷茲地宜雲山繞窗戶萬態爭紛披世
故日已遠風水方逶迤倚杖夜來雨東山煙散遲人間
許長史不與此心期
境空納浩蕩日暮生次寥竹聲池邊起欲斷還蕭蕭丈
人方微吟萬象各動搖林間光景異月出東山椒門前
誰剝啄已逝不須邀

夏夜

幽窗報夕霽微月在屋撩手中白羽扇共此夜寥寥六
月天正碧三更樹微搖緬懷山中景茲夕感路遙長嘯
送行雲可望不可招夜闌林光發白露濡青條

夜步堤上

旋買青芒鞋去踏沙頭月爭教冠蓋地著此影突兀樹
寒棲鳥動風轉孤管發月色夜夜佳人生事如髮夢中
續清遊濃露濕銀闕

休日早起

矐矐窗影來稍稍禽聲集開門知有雨老樹半身濕劇
讀了無味遠遊非所急蒲團著身寬安取萬戶邑開鏡
白雲度捲簾秋光入飽受今日閒明朝復羈縻

八關僧房遇雨

脫履坐明窗偶至情更適池上風忽來斜雨滿高壁深
松含歲暮幽鳥立晝寂世故方未闌焚香破今夕

題崇山

後選言 卷一
短篷如鳧鷖載我萬斛愁試登山上亭却望沙際舟世
故莽相急長江去悠悠西南浸山影晦明分中流蕩漾
寶鑑面翠髻千螺浮去程雖云阻茲地固堪留客路惜
勝日臨風搔白頭衆色忽已晚川光抱巖幽三老呼不
置我興方未收下山事復多題詩記曾遊

遊東巖

散策東巖路夢中曾記經斜暉射殘雪崖谷遍晶熒鴉
鳴山寂寂意迴川冥冥乘興欲窮討會心還小停新晴
遠邨白薄暮羣峯青危途通仙境勝日行畫屏豈獨淨
一念將期朝百靈不同南澗詠悲慨滿中扃

買青暝色

殘輝度平野列岫圍青春柴門一枝筇日暮棲心神暝
色著川嶺高低鬱輪茵水光忽到樹山勢欲傍人萬化
元相尋幽子意自新蕭蕭夜將久空明動邊垠田鶴吟
相應我獨無荒隣短篇不可就所寄聊一伸

西軒

平生江海志歲暮僧廬中虛齋時獨步溯此西窗風初
夏氣未變幽居念方冲三日無客來門外生蒿蓬輕陰
映夕幌窈窕餅花紅未知古來士誰與此心同

秋月

祥暑推不去快風喜來過西榮遲明月與子聊婆娑初
如金盆湧稍若玉鑑磨亭亭停華魄豔豔舒凍波夜氣

清入骨奈此光景何一杯幸相屬安能廢吟哦
纖阿無停輪衰鬢颯已多及時會行樂無惜醉顏酡

沈與求

汎舟邨落阻風不能少進而菱梢芡觜繚舷上
艇子掠岸行水瘦不濡尾狂飈振疎篷獵獵鳴兩耳十
篙八九褪逆勢何乃爾野芡伺我間回梢哆利觜亦有
芡浮角一一肆輕鄙初欲事幽尋解纜出疎葦乘流覓
清淺濯纓助深喜事有大不然移頃未離咫安得望蓬
萊巨艦破潮起征帆駕長風一日三萬里

夜坐感事

沉沉夜氣歸虛堂閉深寂孤燈爇餘花寒雷韻殘滴醞
釀萬斛愁感慨一人敵何當棄短檠陰山叱鳴鏑

夜書山驛

天寒夜向闌月出山更靜風露搖青空萬象光耿耿啼
螿泣幽草賓鴻度前嶺歸來坐孤窗松竹舞清影

程俱

雜興

濯濯簷下溜刁刁樹間鳴蟲號百鳥鬧小大各有聲聲
多不留礙響振元無形何殊百千炬光影各自明
戎葵向晨照日引一尺長松栽四五年擢幹未出牆溥
溥露方晞借此顏色芳各留一寸心試待九月霜

春鳩一何拙社燕一何巧天陰逐其婦飲啄聊自了銜
泥亦綢繆託此華厦好物生固有分巧拙均一飽
穆穆新稟秭補此茅屋漏問云力田人歲事苦耘耨終
年手足胝得此以自覆香秔一過眼糠覈餘滿竇

過劉姓園居

負郭二頃稻並田五畝園人生如此足安用華其軒親
戚居南陌交遊在東邨有酒輒共醉傾輸見情言三徑
雜桃李九畦蒔蘭蓀黃柑百頭奴碧梧萬枝孫山供景
無盡石映溪不渾桑麻中饋任布刈鄰翁論下以活妻
孥上以奉清温時從赤松子亦訪吳市門嗟我抱此志
十年若朝昏家山渺天末松菊豈復存茲園臨官道坐
笑車馬奔前山復場圃疏築隨坳墩我來適春穠亂眼
紅青紛怳然動鄉思夢寄東飛雲

山中對酒

秋容澹青山爽秀雨皆足清溪照千仞空翠疑可掬何
年顧兔窟桂子隴山腹老香散深林屑玉綴黃粟朝來
客衣動一葉下空谷客心如棼絲日月共煩促胸中尚
壘塊陶寫賴新淥要當酒千鍾澆我愁萬斛顧有獨醒
人翛然倚枯木

送崔閑歸廬山

琅琊山中水韻入三尺桐琅然醉翁操發自玉澗翁流
泉不成音寫寄十二宮醉翁不可見妙語聊形容嘗聞

三峽泉上與天漢通請君記餘響相彼玉珮風此聲倘
可繼那復有此公

吾友胡少汲結廬皖公城瀟山有小隱背負紫翠屏前
臨一溪水可以濯我纓欲分青山半留我谷口耕信美
非吾鄉翩然遂宵征聞君草堂處亦復占地靈虛簷倚
蒼崖下有玉澗鳴樂哉不可到因君懷友生

遊善權寺

放舟荆溪上溪水清且徐雲中離墨山慘淡初有無捨
舟並松麓下直浮屠居竭來東軒上爽氣已有餘飛來
定何年無乃與此俱奔流漱庭下比竹梁寒渠山深絕
凡境物物清以臞蕭森倚巖秀天矯懸崖枯幽禽發寒

唳響振高林疎我行亦良苦却步計已迂解衣卧清晝

慰我千里劬

予自衢來姑蘇省女兒竟欲歸却行二百
七十里訪江仲嘉於宜興故有却步之句

善權洞

嘗聞包山境中有林屋天旁通號地脉嶽瀆潛鈞連茲
山豈其類頽洞皆中穿二巖岌山足瑄淙激奔泉牛羊
走大石吐受無窮年金堂下石液雪積如烹煎從來米
鹽稱浪播俚俗傳一洞啟山腹穹窿亦聯綿誰題九斗
字大篆仍深鑿中藏丈五石屹若龍騰淵回頭問主人
我輩定不凡云何逐官牒常得我所耽向來共幽討九
鎖藏芝巖而我自林屋翩然游皖瀟洪崖倘可俯不在
南山南

南山南張公洞

昔年京江夜飛夢投雲山仍追謫仙老嘯詠層崖巔左
盼俯無地蒼巒生紫煙當時賦幽賞妙境竟莫宣今我
來自東扶橈漾荆川飽聞張公洞怪絕駭所傳聊從二
三子一結青山緣北靈敞竒觀下矚壺中天恍然驚昨
夢了了隨我前仄徑繚危棧重扃護靈淵竒礪元坂倚
側洞時鈎穿初疑天台聚納此一室間夸娥運神化不
隘亦不顛又疑清都客翩然下雲輶幢旄儼行立導從
森蟬聯丹梯香霧濕玉室珠璣懸撐虛一柱屹戴重三
能騫鈇竈久已冷青騾那可鞭香壇望八景東晨開五
便坡陁忽度險宛轉漫無邊或深如列厦或迮纔容肩

高躋乍捫頂僞步欲墊泉不知行遠近一步目九遷噫
嘻此天設端在太古先恨無少陵手寫之黃絹篇聊書
夢中夢投筆一粲然

豁然閣

雲霞隨西山飛帆拂天鏡誰開一窗明納此千頃靜寒
蟾發澹白一雨破孤迥時邀竹林交或盡剡溪興扁舟
還北城隱隱聞鐘磬

十月五日集季野家歸作

賢愚孰無營急景信可惜如何闔廬城乃有此閒客懷
安豈初志運甕有餘力相從無何鄉邂逅一日適虛窗
得朝陽寒凜作春色琴書羅棊几一一淨如拭畫沙見

奇蹤落屑非近識似追永和還未覺正始隔崢嶸衡霍
囿莽蒼雲夢澤時華互低昂幽鳥共深寂誰驅此變幻
戲納方丈域慚公罄春釀澆我憂思積豈無車公語顧
匪伯仁匹長檠蠟華摧起視霜月白酣歌美清夜擁髻
侍通德參差吐幽妍鑿落豔芳碧觥籌不留行為問此
何夕言歸謝主人五斗安可極林文如詩次韻
黃華非不佳寒淡每見少蕭蕭亦無言懷抱不自曉深
嫌小桃夭欲伴霜松矯窺叢慰寂寞時有南飛鳥主人
真賞奇灌植勤便了徘徊傍東籬高興在塵表坐有白
頭生臨風百憂繞

秋雨

細字忽難讀松窗失朝暉開簾視天宇屯雲凝如鷺霏
微乍噴灑翕忽看淋漓斯須建百川中庭即方池秋雷
亦動地勢洶萬鼓輦虛簷忽無聲蒼狗變白衣飄搖露
穹碧涼颿洗蒸炊雨師真解事作止適所宜

卜築西塢

和柳子厚
南澗中題

出處初漫浪淹留失佳時時英盡珠璞寧復見誰差一
去四十年伏櫪久已疲幸此歲將暮穿雲弄清漪窈窕
煙塢中蒼陰晝森垂茲焉寄茅屋橫仄任所宜谷口翳
杉竹柴門畏人知誰言一丘壑倘與汗漫期

陳淵

春雪

陰風度嚴切密雪紛如霧虛窗覺逾明臘紙黏飛絮文
書不挂眼對榻聊箕踞春愁暗乘人息息出非慮門前
亦有酒官禁不可酤永懷傲江湖何當脫羈馬
令德送余都門外眷眷惜別余恨不欸作詩寄
之
行人不忍別遇酒輒醉倒僕夫怪何遲謬應行亦好憐
君如弟兄每見開懷抱天涯重分攜祖席都門道城頭
傾落日酒盡迹還埽留連意雖勤晤語終草草君如汗
血駒千里未脫阜我若隨波魚圉圉依寒藻去住各有
謀聚散初不保惟餘一寸心耿耿遲君老

自入襄城即有山水之興路中稍有賡唱因呈
遵道

風沙久迷神山水忽照眼鱗鱗碧玉甃疊疊青螺縮人
煙盛樂土草樹亦精產雲霞入杳冥禽鳥度杯醖放情
千里迴悟意一笑莞胸襟得竒趣酬唱出新撰蟲魚怯
嘲諛文史困鳩倂我詩寔易成淡薄非佳饌君辭頗簡
出嚴絕類燒棧自應即退縮強爾取驚報微言固可錄
狂論猶未剗勿使俗人知歸途畏書簡

和向和卿嘗茶

俗子醉紅裙羶葷敗人意花蕘烹月團此樂天不畀諸
公各英姿淡薄得真味聊爲下季隱不替江湖思輕雲

落杯醖飛雪灑腸胃笑談出冰玉毫末視鼎貴我作月
旦評全勝家置喙傳聞茶後詩便得古人配誰能三百
餅一洗玉川睡御風歸蓬萊高論驚兒輩

玉篇韻小軒觀月呈興宗叔

茅檐手可攀修竹出簷上寒蟾漏疎明碎影羅屏障情
知月色好達覽在虛曠東家富池臺端居不能訪山林
足寓目細大初無相但使人心安景物自清暢霜風中
夜作曲沼金翻浪禽鳥斷飛鳴杉松起酬唱燎爐宿殘
火尚可溫新釀數杯遣沉冥萬慮一時放誰能外形骸
於世無所仰晤對一亭間頽然齊得喪

東家謂佚老堂也

小軒閒題

舍南舍北梅牆裏牆外竹迥然寄其間不見一物俗東
風將小雨夜漲春池綠俯檻數龜魚仰簷送鴻鵠交情
石投水坐客冰照玉從容得此生已矣萬事足誰言南
軒小正可陋華屋但恐世故撓不容長處獨

過淮

天高秋月涼風定秋水清扁舟淮海間愛此一葉輕微
生久羈旅艱險已飽更經今幾往來始見波浪平篙師
且停櫂莫遣魚龍驚吾行欲安之要待東方明

越州道中雜詩十三首

錄一首

浮雲作秋陰細雨如朝霧放形山水間意適無艱步忽
遇古招提空翠森回互倚杖聽泉鳴悠然不能去

天姥寺

吾老似出家晚悟媿根鈍滋旨却羶葷憚悅要親近偉
哉十八公茲道亦精進舍身奉刀几割體絕嗔恨鱗皴
老龍皮鳴齒溢芳潤流膏爲伏龜千歲未須問便堪奴
筍蕨詎肯友芝菌跣趺得一飽萬事皆可擯侍郎文懿
後落落衆推俊淡然世味薄內典得所信香廚留淨供
頻食不言頓晏然默不語草木雷音震得發於此公骨
髓傳心印應憐持節人餉此爲問訊欲將無上味爲我

洗塵全食之不敢餘感激在方寸

龍福寺煮東坡羹戲作

山寺解塵鞅溪邊有微行手摘諸葛菜自煮東坡羹雖
無錦繡腸亦飽風露清鈎簾坐捫腹落日千峯明

秋夜

秋夜雖漸永未抵客愁長秋月雖已圓不照寸心方將
心貯此愁真作萬斛量爲月憐此夜誰共千里光空令
還家夢欲趁征鴻翔

曹勛

賦洪景伯分繡閣與驗望回覺開青瑤愛之林
赤城今屏翰瀕濕浙右同不有仙人居梅潄難從容洪

仙下瀛州一笑除蒿蓬創閣俯江海重簷煥雲空排衙
碧璘珣煙霞透玲瓏遙岑與絕壁但覺開青紅愛之榜
佳名坐見羣山工萬疊烘曉日六幕泛景風時時與賓
僚醉酌黃金鍾誰凭十二闌更賦煙雨中

和仲遠新池

公有靜中趣鑿山俯清深秋風夜雨過飽聞泉石音雲
岫冷蒼翠游萍紛浮沉心賞殊不已悠然付微吟

春晴野步

春風搖天宇散策喜徐步樂與二三子綠草池塘路鳩
鳴桑柘春川闊牛羊暮眷言益妍煖更約窮逸趣

將至嚴州丘平仲忽舟中見過

念子別我久我心嘗冲冲豈意蘭溪船忽作瀟湘逢一
笑出意表相對如夢中子有親庭樂我無塵事籠願言
雲水信時寄菰蒲風

次南安務前水亭趙介叔韻

茲亭楚風煙晴嵐獻斜疊我來及秋杪黃花舞紅葉主
人喜新論曠覽意並愜明年西郊春會當來日涉

登逍遙閣

廬山

松杉闕琳宮仙君朝帝所神風故靜默人間漫今古地
靈驅鳥雀磬聲肅壇宇倚檻夕陽間雲山認歸路

擬古

君有西州役金爐斷夕香虛窗伴幽獨惟有明月光帳

松

深清露寒繡冷雙鴛鴦明發持似君知妾心淒涼
中秋前一日邀賀子忱爲對月之欸乃審放意
靈鷲鳥山林扁舟東去引企不已偶得小詩

積陰埽秋風吹作今夕月山岳四高寒天地一澄澈幽
人渺何許應喜清暉發一樽不同樂孤光共愁絕

入喜涼山居雜詩

卜居得幽勝景物無外沉峯巒環郭郭松竹排園林時
時破寂寥脩脩賴鳴禽於焉自有得天籟皆餘音

晚家台山下雲水同一鄉人事講鄰曲雞黍期相當秋
風起木杪涼風吹衣裳東家喜見招社甕開新嘗
蓋屋不在華所欲庇風雨種花品無繁四時看開處指

喻多非約日涉乃成趣吾年能幾日景物亦漫與
萬花烘天容粉色騰雲氣花雲覆臺榭疑若天亦醉杯
盤多歡賞供帳亦明麗遊人侵宵歸風雨恐踵至
蓬葦久不居乍歸欣故情落葉聚蛛網殘莎鬧蛩聲迹
與朝市遠夢隨風月清從此眠食閒蕭散安餘生
邨落闢幽居深靜頗得趣白雲棲簷棟嵐光照窗戶往
還得隱逸談笑皆舊故不畏歸路遙家家響機杼
北風號枯桑濃寒堅夜凍關河鳥過少雪意曉來重陌
上未霑塵山中已成壠雖離南去雁袖手徒目送
前巖有蘭若委徑宜細履未能學窄堵屢復涉清泚路
紆疲脚力僧老識茶味策杖趁棲鴉斜陽在林際

侵晨盥櫛起爽氣隨涼颿曳杖踏露草不覺路已遙水
清出沙甯煙白橫山腰致爽列羣岫不待西山招
手種亭下松偃蓋出雲外攀條喜修榦爲我發清吹曉
庭風瑟縮夜月金鎖碎種久方來歸對之顏有媿
晨粥山中行落葉響步武委曲訪隱逸清談銷百慮老
湯瀹苦茗宿火煨山芋却照夕陽歸家人不知處
雲山環所臨煙景日日異山作故人接雲爲得侶計酒
酣一聲笛梅風四山起清香賸披拂參橫伴邨醉
晨起冒清露筍輿出城闔原野回舊色花柳搖新春眷
言山林性常與魚鳥鄰怡然適襟抱自謂羲皇民
我本汝潁士老隱天台山一瓢顧麤足三謁無厚顏身

與樵牧遠居眇林壑間不爲事物役常對風日閑
梢梢岸上柳粼粼岸下波晴雲冪遠岫東風扇微和去
冬有耕植連春無干戈田畷知此意種秫應更多
幽居歲屢換豪舉欲誰作閒情寡賦詠舊句漫筆削草
茅晦小隱筍蕨供大嚼不時有佳處悠然動春酌
下邑常寂寞細履寒溪頭魚蝦腥斷岸橘柚明晚秋山
色儼晴碧溪光泛澄流相思故人遠應過回雁洲
雲山貯回腸日月任轉轂客居不問鄉一飽寧較粟家
釀報浮蟻溪鱗買尺玉以充朝暮槃懷抱無乃足
素懷繞列岫乃家台山麓人境兩俱絕事物濟所欲芳
醪徹棧白茗飲瀹溪綠對客調玉軫清風入梧竹

小圃養春色乘時不可緩
盪鋤常于于成趣須旦旦
花摘去年種喜供一時翫
舉杯付歌兒野服更蕭散
澤國經炎夏常厭日晷永
旣乏枕簟涼亦欠冰雪冷
北窗但倦卧閒人遠造請
時濯醒心泉柳下汲深井
城居得高勝欄檻俯闌闔
斂跡紅塵中游目雉堞外
湖光浸晴碧若與雲水會
漁舟何處來幾點忽隱晦

朱松

曉過吳縣

舟行有嚴程越國常曉發
雙櫓兀殘夢起坐窺落月
人家岸野水霧雨籠邃闔
遙憐瑣窗人歌枕聽嘔軋
信州禪月臺上

玉峯點寥廓霄漢疑可梯
玉水環城陰灑灑方拍堤
層臺擅二美吾策一時攜
何當蠟我屐更欲照以犀
塵勞不相赦竟類窮途迷
我生麋鹿爾不羨駕輅驪
向來丘壑懷語發人所詆
長安黑頭公玉勒朝金閨
山林出戲言廣已無端倪
誰收遮日手歸把耕雨犁
紛紛塵土中等是舞甕雞
頗聞山水間幽子飯藿藜
行當踐此語絕境同攀躋

送深師往妙香寺元住雲溪

道人捨幽居誰管溪上雲
此身自雲耳遑遐南北分
頗聞妙香山天花雨繽紛
宴坐丈室間歷亂舊衲紋
山前路悠悠山後水文汶
汶應觀川途客念我奔走
勤豈無香

御選宋詩卷十七 朱松
火緣他年往相羣飽食跛鐺飯稀摘幽澗芹當令桃花
臺白社掩前薰

送建州徐生

人羈天地間誰非一浮萍泛然偶相值便有離合情君
家武夷下歸路塵眼明我生愛山者夢寐秀色橫秋風
送客去把手更心傾亦逢山中人為我寄此聲

放淵明

人生本無事况我麋鹿姿一隋世網中永與林壑辭此
行獨何事豈不為寒飢弱歲慕古人頗覺世好卑那知
齒髮邁終然此心違春風到山澤魚鳥亦知時我行何
日休流目瞻長岐且用陶翁言一觴聊可揮

用退之韻賦新霽

春泥窘幽步苔上屐痕少新晴一褰衣綠葉藏啼鳥方
塘艷宿漲古鏡窺清曉華顛忽自笑綵羽隨驚矯瞻言
雲中耕縹緲穹脊繞歸把東臯犁此念何日了

春日與卓民表陳國器步出北郊

灼灼桃吐華濯濯柳垂縷芳菲挽人出春力乃如許嗟
予閉門客佳節過不數不因可人呼那得幽步舉客如
山陰勝詩作斜川語誰言一尊酒妙處合千古歸來讀
殘書耿耿霜月苦空餘流落心三歎非吾土

秋懷十首

錄四首

秋風來幾日我髮白已多千林了未覺奈此一葉何宴

坐閱流光一眇寄庭柯寒蟲獨何者唧唧夜自歌
蒔蘭西窗下蕭艾病其根白露隨秋夕美惡兩不存寂
寂芳畹空離離幽佩昏物各信所遭此意誰與論
月林疎愈明露草淨可拭飛飛螢遞照軋軋蟲自織移
燈檢書讀千載如經夕微言契夙心妙解久陳迹文章
事雕琢回視真兒劇世無揚子雲此理誰見直
甘菊卧風雨枯荷暗池塘達人聽榮悴志士費感傷亭
亭巖桂花已作宮槐黃諒無青霞客誰與媚孤芳

和謝綽中觀瀾亭

方塘灑宿漲曲澗來飛湍光涵蔚藍天瀕洞碧玉寬小
亭塵土外瓦影浮朱欄霜渚寫秋色煙林養漁竿佳人

秋霞衣皎皎明月冠欲濯且無塵隱凡得妙觀海若眩
河伯等在蝸角端那知坳堂上杯水生濤瀾雲間謝公
子五字冰雪寒展讀勝圖畫經行記林巒九垓未暇遊
據殼諒匪安一到定何日眷焉抱長歎

久雨短句呈夢得

身閒書有味吏傲俗不親小窗據物表掃盡心眼塵令
尹垂珠玉敲門喚行春作意向芳物吾車曾未巾愁陰
入病骨鳩婦聲亦嗔冥冥三日雨桃李迹已陳空餘深
枝間一一青子新穠芳殿春晚猶堪慰佳辰醑醪曉妝
靚芍藥醉臉勻日萼簪嫋嫋風卮倒粼粼言當呼短舞
抵掌回雙顰年來得相從稍覺安沉淪豈不挂俗事察

公極清真眼中醉鄉路風味良獨醇流光不容翫尺璧
何足珍離俗益可厭願言勤問津

三月十日遊報國院小軒頗幽勝為名曰雙清

仍書此詩

千峯收宿雨坐見空翠滴攜筇出城隅試此腰脚力竹
陰穿窈窕僧戶扣岑寂小軒清樾底盤礴聊自適闖然
見幽禽百轉深投隙即此與晤歌絕勝眼前客幽懷層
冰結屨顛不可釋忽如散春風回首無處覓天遊失六
鑿真觀了千息乾坤鼎鼎中指馬坐可一不知雙清老
何者為心迹持問跣趺人首肯復面壁山煙明欲合歸
舸兀深碧此心除溪月炯炯誰復識

沙谿口望梨山

衆山如連環平野忽呀口孤峯插深雲氣壓萬培塿區
區何足傑落落終自負我行清谿曲鶴立倚筇久拂衣
竟何時塵土坐自垢長梯弄玉井竒字窺岫嶺心知不
能去照水顏甲厚永懷山中人獨立誰與友神交解此
意長嘯震林阜

中秋賞月

去年中秋雨野蘆淒薄寒驚塵暗一方客枕那得安起
呼對牀第攬衣步蹒跚握手仰太息宇宙何時寬今年
中秋月並海窺濤瀾坐看蔚藍天忽湧白玉盤眷言雙
峯客倚閭念衣單亦復取樽酒承顏有餘歡天涯等牢

御選宋言 卷二
落世路方艱難且遵秉燭語毋爲泣河歎停杯翫飛轍
河漢靜不湍癡兒亦不眠苦覓蟾兔看洲出暗潮落鬢
衰香霧溥佳句付惠連何時解歸鞍

記草木雜詩七首 錄一首

月桂花

窗前小桂叢著花無曠月月行晦朔周一再開復歇初
如醉肌紅忽作絳裙色誰人相料理耿耿自開落有如
貧家女信美乏風格春風木芍藥穠豔傾一國芳根雖
無恙歲晚但枯枿

奉同胡德耀八月十四日夜翫月次韻二首

我夢故山月蘿影垂秋光誰言九衢曉莽莽吹塵黃羣

公直道山晤語清夜央飛轍轉空闊積暑蘇蒼涼哦詩
中天律流光惜堂堂雞肥社酒熟吾亦懷吾鄉

亭亭月初高河漢坐可搴病餘久止酒灑氣兩爭先振
衣萬里風歸袖何時翩懷哉故山友共此今夕圓離離
雲飛鴻何意影沉川觀心要知是出處直悠然

巖桂花

開門驚積葉秋氣日以厲獨芳搖落中粲粲巖下桂幽
芳不自憐怊悵紛滿地未忍蹋殘英何以娛晚歲

中秋夜雨

秋雨定何心忍翳今夕月尚嫌微點綴况迺都漫滅他
日任氛霾數日望清澈倦投衲子窗行雨聽騷屑對牀

御選宋言 卷十一
不成夢有酒那能設螢飛矜意氣蟲語轉幽咽心知層
陰表皎皎玉輪潔何當凌倒景徙倚翫飛轍

朱棹

雪梅 各一首

去年雪欺客平地一尺深謝遣東閣花那顧西牀琴故
人初不至屋側乃見尋悠然振衣起誰復明此心

寒梅卧煙雨山澤有奇氣六龍扶翼之月袂攬雲轡先
生九疑仙心識真筌秘裁詩作花骨瘦淨乃可貴

鄭剛中

梅花

玉骨透花寒冰壺清露滴暗香驚返魂移自芝蘭側殷

勤置書几粲粲百態出徘徊欲與語奈此雪霜色高標
邈難親欲疎還不得箇中須有詩苦覓不到筆要須明
月來託之問姑射

修修窗前蘆

修修窗前蘆孤瘦倚青玉心虛知夜涼風葉亂相觸使
我入幽夢如在江湖宿方茲困炎曦愛爾眼中綠奈何
柔脆姿行犯秋氣肅霏霏霜露中菱荷等摧覆大抵無
勁節不及歲寒竹

讀坡詩

公詩如春風著物便新好春風常自然初不費雕巧又
如荆山玉不問多與少傳流落人間皆作希世寶吾獨

恨造物生我殊不早不得拜堂下朝夕事灑埽追攀邈
難及清淚出幽抱

書齋夏日

五月困暑濕衆謂如蒸炊惟我坐幽堂心志適所怡開
窗面西山野水平清池菱荷間蒲葦秀色相因依幽禽
蔭嘉木水鳥時翻飛文書任討探風靜香如絲此殆有
至樂難令俗子知

晚邨

暑雨霽餘飛翻溝水鳴玉半規入嵐霧平疇愈新綠時
有牧歸牛一笛過山曲吾廬附幽深四面蔭修竹垂雲
下林梢驚鳥自爭宿夜色迫書卷呼童具燈燭

宿長安閘口

天寒雲氣陰地闊江岸敞鼓動風勢狂掀簸浪頭長單
繩纜扁舟避雨宿深港上有阿蘭若危鈴作孤響一夜
寃夢寒鄉國勞遠想清霜作朝晴舟師動帆槳

即事

夏木垂嘉陰中夜微雨集晨興涉西園爽氣衣外入側
身過幽林葉上見餘濕菰蒲暗池塘有鷺如玉立樂哉
吾此居時平足堪葺
丁未四月與李叔佩還錢塘道浦江井坑嶺賦
扁舟絕驚濤芒履陟脩嶺躋攀雖小勞窈窕豈人境巨

石開雙關有道細如縷其中漸寬虛闊步隨所逞古木
垂嘉陰一覆餘里頃寂寂豔山花沉沉晦龍井時有飛
泉落噴薄珠玉冷毛骨皆清涼反顧發深省麋鹿聞人
聲駭去山之頂春禽正對哢決起不留影豈知道上翁
甚愛幽獨景如何蒙鄙外一笑不相領負負出前山遲
疑夢初醒

暑雨

結廬在深寂芳簷蔭松蘿天晴風日溫時有燕雀過今
茲夏暑雨衡門可張羅永歎復自慰幽興吾亦多
天風生暮寒一夜新雪積遲明兀篋輿亂入山徑窄茅

簷雨三家雞犬不見跡冬令頃弗嚴草木偕春色愆陽
入桃杏弄暖浪藥圻肅然變霜威犯者輒衰息獨餘山
上松不動與寒敵十丈偉標致四面風浙瀝時於翠葉
中碎挂瓊玉白忘我道路歎但覺心志懌擁鼻作孤吟
清思浩無極

對月再用韻

團團滿庭月冷浸霜華重何人萬里外與此孤光共摩
雲度征鴻天闊目難送三杯見妙理一靜服羣動陶然
夜氣中可以觀幻夢

久雨二首

錄一首

山嵐變濃雲地氣洩冬熱急雨春風顛十日聲不絕舍

中流水入牆外古溝咽塊然簷下雀狀若木雞拙我亦
類禪定癡坐萬慮歇廚兵忽相報謂已糝藜蕨隨緣就
一飽再看柏香爇

清明前風雨兼旬城外桃李無在者書室中有
酴醾一餅置之甚久蓋風雨所不及也爲賦五

韻

素質吐孤芳柔條敷瘦綠誰將刻楮手作此數莖玉園
林煙雨多百卉飛簌簌小室偶深靜花意猶清淑置之
硯席間鼻觀常芬馥

茉莉

嶺上老梅樹歲晚等凡木霜風吹枯枝曾有花如玉茉莉

莉抱何性犯此炎暑酷琢玉再爲花承以敷腴綠憐渠
一種香徧歷寒與燠時於寂默中至意微相屬鼻觀旣
得趣就枕便清熟夢中見靈均九畹皆芬馥

焚香

五月黃梅爛書潤幽齋濕柏子探枯花松脂得明粒覆
火紙灰深古鼎孤煙立翛然便假寐萬慮無相及不知
此何參透頂衆妙入處靜動始定惟虛道乃集心清杜
老句高韻不容襲餘馨夢中殘密雨窗前急

偶題

軒前有脩竹穿紙入窗櫺清風動搖之壁間影縱橫軒
後有脩竹山花依以生幽芳吐孤豔不與翠色爭愚翁

坐其間萬事蠢不萌不識動與靜但覺懷抱清千古媿
張籍眼明心已盲人言新青風使歸之輕間湯熾熱

靜獨

飲酒或濡首作詩防嘔心疾走欲避影不如常處陰階
前亭明月但鼓無絃琴清風倘相過付之脩竹林一靜
服羣動萬緣寧我侵
郡治西廳錦被花不爲治架每花開覆地而紅
或緣他木以升予分其本植草亭之東家僮相
與栽木於地高七尺許上布圓竹復破竹交加
之外出四簷如屋之狀通小窗側戶以窺視而
出入餘皆花地下置一榻一几可以獨酌作詩

以記之云曰文書閣古有雙輪爲人短圖書

栽花傍庭砌立木爲花屋小戶虛一偏橫窗置其腹分
竹接柔蔓尺寸引鈎曲春工直解事夜雨頻澆沃枝條
日滋榮滿架籠新綠紅淺暗香深揖遜薔薇服此花名
錦被覆我四圍足比之公孫布豈不堪華縟自慙流落
人尚此享癡福我欲飲其中亂影交醺醪擁被即長謠
傲枕眠清熟又欲效王勃醉處先磨墨引此略覆面腸
胃成機軸染筆起臨風定作花芬馥

王勃每醉先磨墨數升
引被覆面覺乃爲文

大暑竹下獨酌

新竹日以密竹葉日以繁參差四窗外小大皆琅玕隆
暑方盛氣勢欲焚山樊翛然此君子不容至其間清風

如可人亦復怡我顏黃昏開竹杪放入月一彎綠陰隨
合之碎玉光爛斑我舉大榼酒欲與風月懽清風不我
留月亦無一言獨酌徑就醉夢涼天地寬

閨怨詩三首

幽思春雲亂擬向琴中說徽寒錦薦高未鼓絃中絕尚
有無絃韻或可奏明月堦前望冰輪去去不停轍薄命
如妾何秋風河漢闊
無心事鉛黛采采菊金黃徘徊欲寄遠雲夢連瀟湘豈
不懷君子念之不敢忘西隣擊神鼓東隣鬧笙簧三嗅
籬邊英淚落秋風香
晨光入幽戶手織回文書聞古有雙鯉爲人致區區書

成立江邊天寒渺無魚微懷旣莫致慘黛何由舒歸來
更無語悵望庭花疎

正月十一夜燈開雙花

鈇杯壓短檠清膏沃虛草炯炯孤焰瘦吐此雙花好誰
爲夜氣溫暗助春風巧碎剪朝霞紅緣以金粟小或云
兩玉蟲飛來抱釵杪美人輕燎之要看火中寶我聞家
道和可以感穹昊門闌將有喜每事吉先兆而我方朽
衰負戾落南嶠胡爲今夕光熠熠似相報無乃天地慈
四海施洪造陽和隨根性溥爲脫枯槁吾其得歸與頂
戴君恩老

御選宋詩卷第十七

四
 奏
 兩
 為
 論
 不
 更
 天
 無
 莫
 何
 由

御選宋詩卷第十八目錄

五言古詩九

高登一首

張綱一首

張九成十四首

黃公度二首

劉子翬二十八首

羅願三首

鄭樵一首

蘇籀一首

王銍六首

御選宋詩卷第十八
范浚三首

周必大四首

尤袤二首

范成大三十七首

陸子翬二十八首

黃公度二首

張大九十四首

兼融一首

高登一首

五言古詩六

御選宋詩卷第十八目錄

御選宋詩卷第十八

五言古詩九

高登

思歸

忽忽已秋杪言歸欣有期節物想吾廬青蕊繁東籬流
匙白雲子蘸甲黃鶩兒對此憶羈旅多應歌式微喜慰
倚門心愁消舉案看稚子開簷隙繞膝牽人衣歸興念
如許兼程猶苦遲明朝秋色裏烏帽風披披

張綱

次韻國衡

古寺憑崇岡蒼煙蔭喬木敲斜屋鱗比繚繞牆帶束何

人闢層軒延客寄遐矚醉賞菊坡下客意豈在菊念昔
居此地名世盡儒服師曠賢多知蒼史聖重目臺成竟
誰遊事去不容跼梁王高帝孫名字亦不辱當時盛歌
舞肯使後人逐陳迹今故存新池爲誰綠感歎世上事
翻覆如轉燭請君聽鐘魚尚想吹紫玉

張九成

山中見柿樹有感

茲山余初來掩冉柿葉青相去未三月柿花亦已零及
茲尋去路纍纍滿空庭人生豈無情眷眷不忍行嚴霜
八九月百草不復榮惟君粲丹實獨挂秋空明寄語看
園翁勿使隨秋風願比櫻桃春置之大明宮

正月二十日出城

春風驅我出騎馬到江頭出門日已暮獨行無獻酬江
山多景物春色滿汀洲隔岸花遶屋斜陽明戍樓人家
漸成聚炊煙天際浮日落霧亦起羣山定在不江柳故
撩人縈帽不肯休風流乃如此一笑忘百憂隨行亦有
酒無地可遲留聊寫我心耳長歌思悠悠

二十六日復出城

杜門不肯出旣出不忍歸借問胡爲爾江山棲落暉濯
濯漱寒玉青青入煙霏柳色明沙岸花枝作四圍玉塔
天外小漁舟雲際微興遠俗情斷心閒人事稀我本江
湖人誤落市朝機計拙物多忤身臞道則肥所以此勝

槩一見不我違吟餘尚多思白鳥背人飛

天不心十二日出城見隔江茆舍可愛

茆屋臨江上四面惟柴荆綠陰繞籬落窗几一以明門
前灘水急日與白鷗盟不知何隱士居處復何營朝來
四山碧晚際沙鳥鳴碁聲度竹靜江深琴調清終攜一
樽酒造門相對傾心期羲皇上安用知姓名

菖蒲

石盆養寒翠六月如三冬勿云數寸碧意若干丈松勁
節凌孤竹虬根蟠老龍傲霜滋正氣泣露泣春容座有
江湖趣眼無塵土蹤終朝澹相對澆我塊壘曾

三月晦到大庾

我登超然臺積雨久不止臺下柳成行掩映盈塘水環
塘率喬木倒影弄清泚恍如在故鄉西湖古寺裏氣象
極幽深景物盡蒼翠十年勞夢想一夕居眼底獨坐不
能去頽然起深思鐘鳴主人歸燭光何焯焯笑語復移
時夜久余當起歸路夫何如江聲寒玉碎

十一月忽見雪片居此七年未嘗有也

寒色遽如許神清瘦不禁瓦溝聲磔索珠琲亂衣襟斯
須忽復變玉屑隋前林風勁勢回旋飄飄蔽遙岑落此
炎瘴地七年到於今不見六花飛况聞寒玉音今年盈
尺瑞天以慰吾心呼兒具杯盤開樽須滿斟更製白雪
辭入我綠綺琴

辛未閏四月即事

窮居不擇交賢否那復辨似人輒已喜况復曾半面相
見且寒温不問風雨變晚來無與遊澄江喜如練攜筇
信步行屈曲隨山轉數日雨不止衝波頽激箭舊雨已
不來今雨誰復見甕頭香滿屋吾計今已辦豈復思故
鄉無事且彊飯

種槿已五載入門幽徑深拒霜偶然植亦解成清陰晚
涼新浴罷松風披我襟終日岸巾坐閒無人見尋浩然
媚幽獨發興付瑶琴

寓居城中寺蕭然如深山終年客不到終日門亦關晨
朝香火罷去履脫危冠飽讀古人書會意有餘歡客有

饋荔枝薦以碧玉盤吟哦更咀嚼未羨朱兩轡絞綃作
紅皺護此冰肌寒

擬古

山色翠接藍杯中酒如玉飲酒彈瑶琴漫奏流水曲音
微澹無味絃緩軫不促不須苦求知古人有遺躅推琴
一長嘯清風振吾屋

秋興

秋意入茆屋杖策登平原落日銜西山一川頓明鮮蕭
蕭江上竹溜溜巖下泉我生本閒放胡爲此拘拳身世
兩相違於今六十年勇退未爲怯銳進豈其賢
半夜驚夢回桐葉紛索索杖藜視天宇雨罷雲收脚清

御選宋言 卷十一
風拂襟裾片月隨籬落嗟我遊已倦悵此久淹泊豆畦
今已花稻壠行可獲翻思黃卷中古人誰可作田園愛
潛歸簞瓢識顏樂譬彼鷓鷯心平生在叢薄

多雨偶成

謫居天南陲終年寡儔侶四月山氣行淋漓滿城雨獨
坐北窗下蕭然無一語睡起復何如雞鳴已亭午

黃公度

還家

黎明呼羸僮拄策渡野水輕嵐翳初日古道步平砥麥
隴黃四出松竹翠相倚人間春告盡巖色秀未已眼入
故鄉明語還親舊喜印非朱買臣金無蘇季子竊笑免

妻孥相過動隣里富貴豈吾謀薄遊聊爾耳

謝傅參議彥濟惠笋用山谷韻

北方九月霜賓盤無生菜嶺南信地暖窮冬竹萌賣君
念庾郎貧蠶粟供庖宰中有歲寒姿經時久不壞前身
渭川侯千畝償宿債珍可配天花賤不數石芥早薤與
晚菘奴僕望賓介文園酒渴餘想不厭姑噉預恐吹作
竹明日東風噫急須驅兒童傾筐攜采采

劉子翬

涼月

涼月未出山浮雲半空白徘徊步軒窗宛若待佳客經
林漏飛輝映澈生華澤及茲秋景清吾廬更幽寂殊觀

發秘藏妙聽生寥閬營營息初機炯炯懷新得豈無平生心所樂已非昔天旋河漢動夜久隣機息淒淒感庭蘭歲暮霜霰集呼兒溫濁醪獨酌醉永夕

渡淮

鳴輦渡長淮霏煙散清晨皎皎初日光照耀草木新橫林度餘碧疊峰開嶙峋移橈失向背煙波浩無垠兒童相棹歌余心亦欣欣輕帆互相踰畫鷁映流津徘徊望洲渚悠然獨懷人樵漁有棲遯寂寞誰問隣暮風翻洪濤魚蝦亦有神四顧天地黑孤舟恐漂淪

獨坐

獨坐高樓上游觀思無極重門雖晝關遠岫如不隔長

林葉布陰淺澗流波激欣欣物態榮淑氣生原隰幽禽感時鳴遶樹飛還集常恐逐驚颿無階戀儔匹興懷念良遊歲月更相及佳人獨棄予何以慰岑寂褰裳迷所向望遠時佇立心知徒百憂沉思不能釋

晚歲多悲風江湖浪崢嶸扁舟渺無依日暮猶孤征重岡擁滯霧迴隰飄浮雲繫舟古岸邊纜斷舟復橫天寒鴻雁稀滯留知旅情頽崖震林谷客子心夜驚披衣待清曉缺月西南明遠遊多所懷益遣歸思盈

題嬾庵

地偏賓至稀晝靜門常掩深房紙瓦明宴坐蒲團穩庭

花落未埽徑草繁不剪林泉倦出遊况乃市朝遠

晨興

晨興訪蕭寺爽氣清如沐坐看雨離山飛陰斷平陸歸
途阻夕漲竚立驚幽獨曳杖聽殘鐘却寄僧房宿

懷致中

夢覺殘夜永山寒氣逾清林幽萬籟息月出虛堂明披
衣坐復起懷人思空盈經時不對面素榻浮埃生遙知
念盍簪臨風亦關情褰帷望岐路慨然欲宵征無人道
我先何因識門庭仰憑鴻雁飛書詞寫深誠詞多意莫
宣益遣幽恨并

棄竹夫人

愛憎情易遷感物思鬱紆念昔未棄捐嘗侍君子居煩
襟一披豁雅抱何清虛蹉跎怨時暮涼德竟見疎飛霜
皓中庭枵然委牆隅的皪珠幃深熒煌錦茵鋪豈不懷
舊恩君心已非初當年紈扇搖抱恨同區區

遊龍潭

四客同笑言一僧陪杖屨徜徉山水窟適意忘晨暮疎
鐘巖北寺細竹溪南路中流石參錯不礙潺湲注泓澄
小龍潭潤氣金碧聚時驚木葉墜俯見鯁鱗度斯遊非
預期偶爾造佳處幼輿丘壑情陶令琴觴趣淹留慰所
願惟以賓友故夕陽淡寒山遲回不能去

和李巽伯春懷

山寒古寺清斷續春朝雨遙憐遠客情寂寞誰晤語平生
生氣軒昂失意今易與有酒即佳晨無兵皆樂土微吟
對節物林靜幽花吐悠悠念鄉邑耿耿悲豺虎知有濟
時才縱橫在談麈功名恐未遲老翮期更舉

負暄

宵寒卧增裯晝寒起增衣何如負暄樂高堂日暉暉引
光扉盡闢追影榻屢移妙趣久乃酣瞑目潛自知初如
擁紅爐凍粟消頑肌漸如飲醇醪暖力中融怡欠伸百
骸舒爬搔隨意爲稍回驕佚氣頓改酸寒姿薰然沐慈
仁天恩豈予私願披橫空雲四海同熙熙矯首望扶桑
傾心效園葵

木犀古風

化工吝幽香斑斑被花木氤氳寒巖桂高韻蓋羣馥無
人盡日芳守志何幽獨士介恥求知女貞慚自鬻淒涼
楚山秋樛枝吐金粟淺水映輕明微颿發含蓄樓端靜
忽聞馬上遙相逐踟躕爲延竚但見林巒綠併罍誰折
贈清芬閱廬屋久處不自知乍至彌鬱郁客悲芳歲暮
夢遶寒溪曲長吟小山詞古意恐難復

春寒偶書

浮雲匿晨暉雨雹驚春晝天公號令乖陰晴變何驟小
徑踐芳泥通渠走寒溜風顛萬木偃氣凜重闈透鵝鸞
護巢翔柰此羣雛幼擁爐烏薪然雙手慵出袖褰帷望

空明屋角見遙岫良朋不可招塊處慚孤陋青青桃葉
長奕奕蘭花秀長吟曷咨嗟佳辰去難又

潭溪十詠

錄六首

海棠洲

煌煌海棠洲錦樹臨清灣常恨灣頭風吹花走潺湲潺
湲去不息花亦無由還

懷新亭

茅簷入竹低曠野時寓目寂寂農家春新秧滿田綠何
時稻登場秋山響蓬樸

宴坐巖

青青梳樹林下蔭蒼蘚石幽人宴坐時懷抱忘其適不

見暮樵歸寒山雨中碧

春林遶舍青門館終日靜吾心樂有餘所遇皆勝境更

鑿庭下池溶溶浸山影

北窗何所見疎竹雜遙岑涼颿思有無虛簷動蕭森此

興何由盡移牀入翠陰

聊爲溪上游

一步一回顧悠悠出山水浩浩無停注惟
有舊溪聲萬古流不去

春泉惜石輕草蘿立園初
交雨榻入白水訪劉致中昆仲

夜雨歇清曉山椒雲氣昏駕言聊出遊窈窕窮川原側
帽避橫篠揚祛障晴暎春泉散石壁細草羅丘園陟峻
已逾嶺窺深更緣源喬松傍澗折垂柯激潺湲過籟寒
慘慘驚林白翻翻造幽景寥閭勝絕難具論僕夫知余
樂踟躕爲停軒惜無徒倚地時來此開樽暮投鷺峯宿
青燈耿柴門相從二三子交情久彌敦談玄測象象攬
佩紉蘭蓀願言固所懷丘壑吾道尊

攜筇

晨起偶無事攜筇出潭川翩翩雙鳧飛宛若導我前林
靜滴殘雨邨深澹寒煙當春足膏澤俯夏餘清妍野溜
綠交貫山花紅接連雄觀發新奇勝地窮攀緣據石弄

驚急班荆蔭連卷幽懷脫塵拘如超混茫先向今作興
來未必勝偶然榮觀事多乖內取樂乃全他時誰繼遊
此意遙相傳

續賦家園七詠 錄五首

早賦堂

南溪抱山流潤氣滋林麓平生歸歟心寄老一堂足夢
破午窗陰清風在寒竹

萬石亭

嵐光近却無一徑緣厓斷危亭勢欲飛翠石雲中亂小
山闕清遊懷人發長歎

百花臺

森沉徑易迷，楮筇爲徘徊。何處春光多，時登百花臺。主人淡無情，林花爲誰開。

不愛酴醾花，愛此酴醾樹。青條含露滋，輕陰覆行路。晝永倦尋書，時來散幽步。

雨餘陂水平，徙倚聊一望。歸雲淡欲無，宇宙何清曠。吾心游太虛，聊寄此亭上。

夜行潭溪上，念仲原致中。喬年茂元伯，達皆有長夏。不見雨，袞暑故相病。及茲顛氣回，一夕飛灑併攬。

衣步新涼，宇宙涵清潤。月離南山高，水循雙澗靜。流觀外旣洽，至樂中潛應。緬懷平生友，契闊時光運。石峯許尋盟，有約殊未定。事紛莽如塵，欲埽那得盡。年衰覺世浮，慮淡知心勝。良遊莫蹉跎，小暇即乘興。

新涼

新涼爲招客勝地，非預圖前峯。雨未散，冷風遶吾廬。披襟沐清駛，合席隨霑濡。定知喧譁中，欲此一快無。興來擴以酒，草具來須臾。田翁偶過我，添杯坐其隅。爲言秋暑劇，稻畦日凋疎。寧辭抱甕勞，僅給園中蔬。喜茲甘澍足，普潤無遺墟。遙山莽難分，綠浪搖虛徐。我病不任畊，歲收仰微租。蒙成每自愧，一飽便有餘。連觴使之醺，醉

語雜叫呼野人無他腸我輩恐不如
又普羅願
梁寺丞見示過嶺新作對念園中菴喜茲甘
凌晨登鬱孤南走韶陽道封疆有申畫山川本懷抱公
行度寒嶺殘雪故未埽高情無南北反謂茲山小頃來
我嘗遊亦覺山媚好前賢因遠謫我輩得幽討兩崖瞻
欲眩數樹攀且繞想公哦新詩千騎轉林杪參伍候顏
色約束軍聲悄韶陽古名都四十專城早重華已千歲
蒼石在雲表魚龍舞幽壑遺韻蓋可考以茲供撫玩或
可薦壽考公餘亦時飲未用絕芳醪行行布恩惠正直
神可保

鹿鳴宴禮成貽解元諸友并通判寺簿及同官
天意欲爲雨川雲出相望明時攬俊乂所立固無方少
小諷二南美此江漢鄉猥當興能職首闢較藝場羣儒
悅寬簡浩蕩出文章方觀縱壑魚忽作搏風翔此去升
禮闈旋當對殿廊忠言動明主家國有輝光
鹿鳴首宵雅義取好賢深寥寥疑莫續工席有遺音詩
言君臣間不以位相臨如禽食苹水有酒方共斟從容
陳所好亦復有鳴琴庶使莪冠者洋洋動其心願言解
子褐結綬貫華簪真心有相感千載豈殊今

枳棘何榛榛，猿狖不敢下。芳苓何韡韡，電霜不敢灑。驪
騮馳曲蘗，舉足難寬假。所以古之人，犁鋤聊自把。

蘇籀

木犀花一首

何處聞國薌，珍木秀巖谷。高標蕙蘭枝，妙輯沉麝酷。葉
葉秋聲中，霏霏蚤英藪。介特有如松，繁華豈慙菊。勃蔚
襲軒墀，薰沾滿衣服。情人擢纖指，拾藥動盈掬。蘼蕪見
離騷，苓藿入譜錄。卉裳未可更，鮑肆或爭逐。亂插琉璃
餅，於斯殊不俗。

王銍

送純師歸省山吉祥寺

上人峩嶠秀冥冥，聳高風依遊。王公間常帶山水，容
謫仙信竒逸。蜀僧論絲桐，寂默誰爲聽。誤比萬壑松，崎嶇
古今塗。勢利紛其中，晚遺似高識。物我無異同，是心湛
寒水。處處流真空，猶嫌百年夢。剩此一枝筇，忽懷煙霞
想。永念菽水供，身爲反哺鳥。更逐高飛鴻，斜日澹歸袂。
不似秋色濃，孤行拾黃葉。一笑千山重，桑宿揮餘戀。雲
樓杳歸蹤，從茲與明月相伴落。何峯

送王道元運判致政歸潛皖

好山如幽人，深絕常避地。潛峯獨呈露，孤立信竒最高。
擁一峯寒縹緲，亂雲氣萬古。招行人誰與賞，心會我公
實。仙材崑閬失品次，挽公青霞襟來作繡衣。使終尋汗

漫遊高舉九霄外行色開畫圖秋容捲新霽造化爲我
娛神超物無累我窮知音稀與世久無味落葉埽不禁
歲月水東逝愁作送公詩出門更何詣贈言詞亦貧無
以報高誼野宿慎衣裘寒霜方夜墜

繫舟餘杭門訪西湖金輪寺參上人

北郭望西湖微徑幾尋尺澹與人意長雲寒正無色深
尋幽禪居步轉蒼山側落葉不可紀遮盡山下石師方
無定居我亦何所適四海漭無歸老矣山中客百年熟
機緣還此共禪寂語罷今古分坐上有陳迹一笑視此
生何事非戲劇開門納遙峯暮雨一江白茲遊非世逢
歸路晚蕭瑟積陰迷曉昏鐘聲報將夕

登育王山示現塔贈卿璉與三上人

危岫戴寶塔亭亭起虛空金鐸韻廣樂日夜鏘天風氣
真逼雲漢興逸追鸞鴻嘉有三禪子超曠棲禪宮相追
不憚遠幽致惟我同興盡歸一默人逐歸雲東平軒架
絕壑上與絕頂通滄溟忽破碎百川競朝宗斜陽無遠
近山亂高低紅四表倏明晦變化安可窮夜深風雨來
陰氣誇驕雄響劇百谷咽靜若一氣融明發石路乾清
韻生寒松

賦得隔樹見秋燈

隔樹見秋燈青熒更可愛半籠宜葉疎微透嫌枝礙深
誤暗蟲投靜窺棲羽在望疑簾幕中吟惜欄干外月到

冷光幽風來孤影碎山客遙夜歸耿耿如相待
不月陰
翻樹良中秋招葉子謙

堂上月已滿樽中酒更空故人眇何許出門惟清風不
如一夕光所至皆能同悄然望玉杵無聲桂影中

劉原范浚

並山嶺凌霄花

栽松待成陰種漆擬作器人皆笑艱拙往往後得利君
看植凌霄百尺蔓柔翠新花鬱煌煌照日吐妍媚風霜
忽搖落大木亦彫瘁視爾託根生枯莖無殘蒂先榮疾
蕭瑟物理固難恃凌霄亟繁華衰歇亦容易

遊蘭溪靈洞

朝曦杲晴空宿霧開紛披縈紆度墟曲犖确行溪渚橫

橋轉山腰丹堊明招提豁訝覩陰洞欲入愁途迷流泉

暗淙琤噴壑跳珠璣巖根石彩翠映水光參差窮高上

蒼岑支策行欹危林端出紺宇兀與浮雲齊曾來念舊

事歷歷經行時松長向如人今已老十圍我尚喜青鬚

還年未生絲偕遊數君子意擬探幽竒諸峯未歷覽寒

日還平西同攜下前麓却望蘭陰歸明年豔陽春更約

相追隨當須各努力補屐尋幽期

寓居寶惠寺喜晴登山

喜霽出招提愛山登業岌林端已殘照路草猶半濕丹
崖斷雲歸翠竇飛泉入長天沒鳥影遠水動虹吸塵襟

得恣瞰爽氣橫來集欲逐野僧還更看空翠立
喜睿周必大

東宮出示和御製秋懷詩恭和二首

并序
錄首

其近者特蒙頒示御製秋懷詩繼出殿下和篇明
日良相賡徵角交作猥緣幸會獲預榮觀蟋蟀候秋
而嗟蓋亦不能自已謹成一篇繕寫投獻仰塵英
鑑伏深震懼

沛宮歌風雲威德加四海雄詞照千古編簡亦光彩惟
皇與同符興寄秋序改宸章振遠響寂莫咽衆籟有如
涼颿來殘暑去安在願汛埽氛曠廓廓天宇大
陣難吳次韻邢懷正孝庸通判遊蔣山

仙人薄蓬萊乘槎度河許舊觀桑田變今訪鍾山古駕
言出東門恍若之帝所朝曦霽青霜楓葉落紅雨亭亭
望浮圖隱隱插天宇坡垂北溟鰲石卧南山虎遙聞飯
後鐘絕勝紈如鼓恭惟布金地草木誰敢侮孤芳破冰
雪喜見梅萼吐同遊皆大雅緇素競先睹巾車似元亮
漱石雜孫楚相將挹靈泉何用照牛渚西方化人國未
覺道修阻法筵盛龍象一一會心侶茗椀散午夢蒲團
便軟語懸知雨花社重辨風幡舞相投甚針芥味道真
酪乳從來草堂靈俗駕回吾祖况如雲仍輩么麼那復
數後車倘許隨未羨黃金塢
送子開弟還江西二十韻

御選宋詩 卷一
十年樂家居豈知離別愁言遊冠蓋場聚散靡自由子
從何方來訪我金陵州情多語反默喜極涕翻流不如
並轡出庶以寫我憂沉沉長干寺南軒清且幽烏衣訪
王謝煙滅那可求却登覽輝亭下瞰白鷺洲羣山競合
沓萬室相牽鈎回首指鍾阜黎明戒前騶林泉與臺殿
勝處皆窮搜紛紛六朝舊莽莽今幾丘弔古轍未環劇
談興方稠胡爲理書劔復欲從遠遊蹉跎六年別邂逅
半月留臨分敢不盡苦語誠非偷期子如良農勤勤事
西疇慎勿因水旱而令廢鋤耰豐歲會可必行行真有
秋十月風霜動待子江之頭

陶淵明有已酉重九詩一首某以此年此日舟

悲次吉水距永和才一程耳輒用其韻先寄二兄

喬十三弟并呈提舉七兄

王覲十五載歸來稀舊交我髻昔已華今茲固宜凋去
國甫重五還家倏登高永和有兄弟咫尺如煙霄緬懷
江東使地遠心更勞遙知上翠微江山勝金焦豈無茱
萸酒望望心鬱陶相從會有日永矣非一朝

尤袤

庚子歲除前一日游茅山

犯寒出行邁值此歲云除剛風駕颿輪送我游清都華
陽第八天仙聖之所居洞門劣容人中寬如室廬橫前
大谿水於焉限塵區其右萬石林錯落空翠圖茅菴著

御選詩言 卷之六
深秀細路緣崎嶇幽泉見客喜頗亦類逃虛山深日易
曠捷徑趨元符琳宮照金碧天籟鳴笙竽側睨白雲峯
前瞻赤沙湖金壇聳百丈陰洞通七塗俯視人間世擾
擾真蟲蛆早以冗陋質忝分赤城符豈悟夙昔緣復造
神霄墟平生夢寐處恍若登華胥歸來拜綠章足力尚
有餘珍館十六所安能遍遨娛窮探恨不盡太息仍躊
躇東對此壑必更受靈味土翠巒三山祖金魚豈無菜
圃甫重游張公洞 并序
玉甕舟次湖汭侍季父伯兄游洞靈步行五里夾道皆
喬木參天鶴巢其上若笑若咳澗水瀧瀧鳴聲甚
悲殆不類人間也入洞靈宮覽前賢留題徘徊久

之由石徑里許達於洞深數十丈磴道險絕俯僂
僅可下下寬廣容數百人大石離立或下聳欲落
若劔盾矛戟相撐拄或甍連崛起而不斷若虎豹
蹲伏俯踞而拏攫中有小門持炬乃得入丹竈井
臼在焉由石罅而上皆流石怪形無窮其狀旁行
屈曲蓋深遠不可到其陽有懸崖滴乳水水流澗
谷乍細乍大自成宮商橫澗得小閣可憩朱藤纏
絡崖上丹花簌簌下墜芬芳襲人毛髮凜然欲少
留而大風作遂歸余遊山川多矣茲游最可紀因
成五百字貽我同志以備他日觀覽焉
吾聞荆漢南有地仙所宅十年勞夢想今日著脚歷扁

御選宋言 卷六
舟下湖湫水漲沒沙磧結纜小橋傍杖藜從此適平岡
面陂陀疊嶂堆襍積行行三兩里夾道喬木植其木幾
合抱其高乃千尺風生萬壑響日照四山赤時搖樹林
杪忽見屋宇脊宮門何崢嶸古道頗修直長廊景曠曠
崩殿人寂寂寥落昔賢題摩挲壁間墨捫蘿上層巔俯
瞰得深窟危梯交枝撐鳥道穿詰屈投身乍寬閒跼步
仍逼窄攀援愁顛躋傲睨驚險僻懸崖朶頰頷亂石供
劒戟白雲何時橫乳溢或自滴中空正湏洞了不見天
隙冥行迷近遠偃僂猶擿埴巖豈人工隱軫入地脉
窮幽或篝火俯跪僅容席仙壇尚故處丹竈儼遺跡山
蟲鳴啾啾野鼠聲嘖嘖傳聞父老語以往真莫測中有

白玉堂橫絕巨石室傍連洞庭野欲去不可極潛窺目
先旋縱走膝無力逶迤步西徑突兀出峭壁攔風高枝
繆藤蔓青陰冪芳草何芊綿丹花亦狼籍躊躇古亭上
頰仰幽澗碧玳瑁下流水磊砢欲落石雖云培塿高氣
與華嶽敵其南有空穴澹瀕殷幽黑陰風互吞吐冷氣
森噴逼蛟龍久伏藏金玉閱簡冊靈蹤信茫昧幻怪紛
慘戚將無神物守欲與世壤隔平生丘壑念蚤歲泉石
癖豈不思三山所恨無六翮樂哉茲辰遊逸興潛有激
仙翁在何許綠髮尚如昔髣髴笙簫聲徘徊鸞鶴翼俗
緣磨不盡夢境坐形役何階築衡茅幽時窮日夕風雲
西北起天地忽改色倉皇促歸舟造物類戲劇良遊易

乖誤真賞難再得寄語山中人重來儻相識
范成大 六月七日夜起坐殿廡取涼
 畏暑中夜起出門月露清晶熒卧銀漢錯落低玉繩網
 戶閉妙香石樓棲古燈風從何處來殿閣微涼生桂旗
 儼不動藻井森上征榱楹共突兀鬼物相枝撐彭觥鐵
 拄杖磔磔棲燕驚俗人豈解事鼻息春雷鳴大星送曉
 來四窗炯微明顯氣澡肌骨栩栩兩腋輕乘風欲歸去
 驂鸞虹青冥却恐方平知浪得狡獪名
宗偉自號真清居士 再次韻呈宗偉温伯
 官居數椽間局促如甕牖幸鄰詩酒社金薤對玉友真

清廊廟器偉望配山斗

宗偉自號真清居士

行當侍紫極槐棘位三

九館舍有奇士

謂温伯

高文粲參首倡酬猥及我雙松壓孤

柳生活從冷淡幸免譽與咎相從結此夏何異歸隴畝

過平望

寸碧闖高浪孤墟明夕陽水柳搖病綠霜蒲蘸新黃孤
 嶼乍舉網蒼煙忽鳴榔波明荇葉顫風熟蘋花香雞犬
 各村落蓴鱸近江鄉野寺對客起樓陰濯滄浪古來離
 別地清詩斷人腸亭前舊時水還照兩鴛鴦

九月三日宿胥口始聞雁

故人久不見乍見雜悲喜新雁如故人一聲驚我起把
 酒不能觴送目問行李曾雲行路難空濛千萬里塞北

多關山江南渺雲水風高吹汝瘦旅伴今餘幾斜行不
少駐滅沒蒼煙裏羈遊吾亦倦客程殊未已扁舟費年
華短纜繫沙尾物生各有役冥心聽行止江郊匝地熟
場圃平如砥歸期且勿念共飽豐年米

青青礪上松送致遠入官

青青礪上松鬱鬱礪底柏松森上曾雲柏踞抱幽石偃
植雖不同臭味乃相得千霜與白雪偶立衆芳側衆芳
豈不好歲晏埽無迹廣厦罩羣木萬牛挽山澤松材可
世用攀援入王國草木豈有情亦復念離析君看此翠
柏錯莫無顏色孤陰愁月夜獨籟怨風夕蒼官何當歸
相望長相憶

大暑舟行含山道中雨驟至霆奔龍挂可駭
隕雲暖前驅連鼓訶後殿駸駸失高丘擾擾暗古縣白
龍起幽蟄黑霧佐神變盆傾耳雙瞶斗暗目四眩帆重
腹逾飽櫓潤鳴更健圓漪暈雨點濺滴走波面伶俜愁
孤鴛颺閃亂飢燕麥老枕水卧秧穉與風戰牛蹊岌城
沉蟻隧洶頷建水車競施行歲事敢休宴咿啞嘯簧鳴
輾轆連鎖轉駢頭立婦子列舍望宗伴東枯駭西潰寸
涸驚尺澱嗟余豈能賢與彼亦何辨扁舟風露熟半世
江湖徧不知憂稼穡但解加餐飯遙憐老農苦敢厭遊
子倦

秋日雜興六首

我友蓬蒿士却埽謝四鄰內無三尺童外無雙蒲輪豈
非騏驥姿執轡難其人無衣可御冬忍寒待陽春仰雲
發永歎夜作寒螿呻多戶勸之起懷寶善自珍秋月耿
清夜秋風捲曾雲佳哉爲誰歎定爲我與君莫嫌酒味
薄聊復相歡欣
夕陽下桑柘餘暉挂西山在何許冉冉紫翠間綵
雲無朝昏綠蘿竟暄寒昔與霞上人同跨雙飛翰上凌
紫霄峯下弄白石湍風吹隨渺莽及此行路難佳人應
望予我豈真忘還
秋高氣彌清歲晏天雨霜繁枝各病綠况乃枝上香向
來不勝春渺在無何鄉樂極定自悲誰與此更張春秋

無終窮榮落殊未央

媽媽芙蓉花秀出清霜晨衆卉已昨夢孤芳若爲新寒
蜂無僂飛一笑靜自珍誰令嬋娟姿隨此寂寞濱絕世
貴獨立後時莫酸辛回風佐小舞薄日生微曛即事亦
足樂何必桃李塵

蒼筠如蒼玉鄉是礪齷姿竭來西窗下死生付污泥蟲
緣有病葉土瘦無新枝太陽豈我偏檐影爲蔽虧昔如
松柏獨今作蒲柳衰暮夜風雨急歲晏誰與歸
屋東雙梧桐婉婉無真姿朝爲春風條暮爲秋霜枝夜
久風葉鳴驚鵲一再飛梧桐不足愁會有明年期人老
真可歎寧復遊冶時

御選宋詩 卷六
曉自銀林至東灞登舟寄宣城親戚

曉山障望眼脉脉紫翠橫澄江已不見况乃江上城結
束治野裝木末浮三星羸馬隴頭嘶小車谷中鳴亭亭
東灞樹練練綠浦明篙師笑迎我新漲沒蘋汀徑投一
葉去雲水相與平聊將塵土面照此玻璃清懷我二三
友高堂晨欲興風細桐葉隨露濃荷蓋傾凝香繞燕几
安知路傍情

遊金牛洞題石壁上

仙翁舊遊處琅璈韻靈曲至今有餘音元鶴舞幽谷衆
真期我住歲晚芝田熟腰鏡從翁來籟雲跨飛鹿
無然行唐邨平野晴色妍甚

暖日烘繁梅穠香撲征鞅雲煙釀春色心目兩駘蕩柳
眉翠已掃桑眼青未放茲遊定不俗前路入千嶂

曉出古城山

落月隋渺莽殘星澹微茫竹輿亂清溪飛蓋入嵐光松
檜霧靄濕桑麻風露香空翠滴塵纓何必濯滄浪山家
亦早作迨此朝氣涼林深無人聲木末炊煙蒼離離瓜
芋區肅肅棗栗場田園古云樂令我思故鄉墟市稍來
集筠籠轉山忙吏事亦挽我歸路盤朝陽

徐韜世雪後守之家梅未開呈宗偉

瓦溝凍殘雪檐溜粘輕冰破寒一竿日春隨人意生瑞
葉再三白南枝尚含情定知司花女未肯嫁娉婷官居

苦無賴一笑如河清落木露荒山寒溪繞孤城朝暮何
所見雲黃叫飢鷹東風不早計愁眼何當明北鄰小橫
斜蘚地可班荆憑君趣花信把酒撼瓊英

新館

露稻粘明璫風茅滾高浪荒煙暗白道行行亂蛩響日
脚午未吐雲頭晚猶漲欣此半日涼籃輿走清曠病客
不堪暑茲行天肯相蚊蟲埽無跡秋意滿千嶂稍尋泉
石盟略褫簿書障鵠原定相念因風報無恙

盤龍驛

聞雞一唱罷占斗三星沒天高月徘徊野曠山突兀暗
蛩泣草露怨亂語還咽涼螢不復舉點綴稻花末惟餘

絡緯豪悲壯殷林樾小蟲亦何情孤客心斷絕竟驚板
橋穿足側石子滑行路如許難誰能不華髮高城謾回
首疊嶂屹天闕遙知秋衾夢千里一飄忽

清逸江

微生本漁樵長日渺江海扣舷濯滄浪尚說天宇隘竭
來車馬路悒悒佳思敗黃塵撲眉鬚驅逐似償債羸驂
繫偏仄狂犬吠荒怪鄉心入旅夢一葉舞澎湃晨興過
墟市喜有魚蝦賣眼明見清江積雨助橫潰褰裳喚扁
舟艱琬不勝載不辭野渡險弄水聊一快

新嶺

瘦馬兀瞢騰荒雞號莽蒼絲窠冒朝露籬落萬珠網宿

御選宋詩 卷六
雲拂樹過飛泉擘山響老桑跼潛蚪怪蔓挂騰蟒山行
何許深空翠滴羈鞅釀愁積雨寒破悶朝日放瞳瞳赤
幟張昱昱金鉦上浮動草花馥清和野禽唱僕夫有好
語沙平路如掌惟憂三溪阻橋斷山水漲
石梁平波心金刹駕巖腹溪藤卷霜繒山骨琢紫玉東
堂有嘉名窈窕窗紗綠落花埽無迹蕉葉森似束主人
甚愛客挽袖語陸續衝雨出門去役役媿童僕

首疊 王園官舍睡起

公退閉閣卧官居如淨坊屋角斷虹飲日西楊柳黃客
來束我帶客去書滿牀睡覺有忙事煮茶翻斷香

丙戌閏七月九日與王必大登姑蘇臺招王浚

明陳淵叔耿時舉避暑次時舉韻

始賀火流西還嗟斗斜閏餘暑猶強顏新涼頗難進燥
剛渴欲坼焦卷禿如燼炎官扶日轂輝赫不停運登臨
有高臺勇往得三俊仍將王郎子飛步凌劫仞風從噫
氣來雲作壞山陣鄉如垂頭魚忽已蟄蟲振空明晚逾
清更要孤月印書生乃易與俛仰更喜愠憑闌天爲高
舉酒山欲近竒書鐵鉤鎖麗句錦窠暈茲遊我輩獨難
挽軟紅鞞君看籠中鳥寧識咸池韻

淵叔出米元
章書蹟甚奇

玉山道中

常山多清溪玉山富喬木行色鬱蒼然頗亦慰愁目梅

花隔籬見瓏璵照茅屋晚來風刮地想見飄香玉
湘潭道中詠芳草

積雨倏然晴秀野若新沐芳草徑寸姿中有不勝綠
萋路傍情頗亦念幽獨驅馬去不顧斷腸招隱曲

青更更 謁南嶽

湘中固多山夾岸萬馬屯坡陀無敢高似遜喬嶽尊
曉投望雲亭衆丘拱牆藩濃嵐忽飄蕩積翠浮雲端
天柱已峻極祝融更高寒紫蓋鬱當中岡勢洶崩
奔峙為赤帝峯下直宮壩垣角樓捧雙闕圓方模
九闔炎符撫中興南正實司天草木薰協氣山林
奠神姦妥靈有備物龍卷鸞旗軒走忝桂林伯
與神俱南轅上謁禮亦宜為

國憂元元心空禍福相古井寒無瀾杯琰不用擲但願

歸田園相傳壁畫好拂拭塵埃昏弓刀立壯士劔珮班

靈官後宮行樂處窈窕千雲鬟錦地舞月晝珠櫳侍春

閒武氏筆已絕梗概猶清妍後宮壁畫武洞清筆極禁籙富貴之趣
紹興二十年火後為雨所敗後人摹舊

蹟更畫猶有彷彿旋車闔廟去頗厭山市喧勝果招客遊徑排集

賢關梵皮絢雜組衡嶽藏經皆錦絲竹簾護之孟蜀
時捨簾乃其戶部侍郎彬所造錫杖鏘古鏜開

善果尊者所遺避雨勝業閣在嶽祠之南晚晴留凭欄石廩映岫嶠望眼

增孱顏上封眇孤絕南臺半雲煙碧岫有靈藥朱陵巢

洞仙晚晴乃盡見諸峯病倦懶幽討山僧鑄我頑松膠唐季枝柏

跼隋初根竒事不勝紀重遊當細論廟路三十里夾岸大松五季時
馬氏所植勝業寺柏不見根偃

於地出八榦龍蟠占數畝世所未之見傳為隋時物

馬鞍驛飯罷縱步

食飽倦輿馬散策步前岡意行踏芳草蕭艾菊生香春
事甚寂寥山桃帶松篁遊蜂入菜花此豈堪蜜房今年
蠶出遲柘葉分寸長好晴纔數日歲事未渠央
興安乳洞有上中下三巖妙絕南州率同僚餞
別者二十一人遊之

山水敦夙好煙霞痼竒懷向聞乳洞勝出嶺更徘徊雪
林縞萬李東風知我來華裾繡高原故人紛後陪繫馬
玉溪橋嵌根豁崔嵬蕩蕩碧瑤宮冰泉漱牆隈芝田漑
石液深畦龍所開句我一掬慳頰此炎州埃仍呼輪袍
舞醉倒瑞露杯但恐驚山靈腰鼓轟春雷薪翁雜餉婦

園視歡以哈茲巖何時鑿閱世幾劫灰始有此客狂後
會真悠哉南游冠平生已去首猶回歲月可無紀三洞
俱磨崖會有好事者摩挲讀蒼苔

全守支耀卿飲餞七里倅楊仲宣復攜具至深
溪酌別且乞余書走筆作此兼寄耀卿

店舍煙火寒塵沙亭堠遠媽紅糝芸綠春事亦已晚年
芳去踈踈江水來袞袞故人瀟湘逢留落一笑莞已張
七里飲更出深溪餞草間豔紅粉竹裏趣廚傳故意如
許長由來共鄉縣愧我不能觴負此離歌轉別愁滿天
末不醉何由遣却意支使君風前白波捲

題嶽麓道鄉臺

山外江水黃江外滿城綠城外杳無際天低到平陸長
煙貫楚尾遠勢帶吳蜀故園東北望遊子闌干曲

灋陽江

順流下沉江溯流上灋浦水深蘭芷寒漂搖憚風雨采
采不盈掬何由寄遠渚洞庭浮天白遐矚莽吳楚有懷
獨寤歎榜聲與人語暮夜即維舟蒼茫定何許

渚宮野步題芳草

草色沐新雨綠潤如得意披拂欲生煙萋萋著巾袂天
涯各芳春秦吳千萬里故人攀桂枝今夕念遊子

虎牙灘

又名金門十
二倍屬夷陵

傾崖溜雨色慘淡水墨畫辛夷碎花懸槐木老藤挂翠

莽楚甸窮黃流蜀江下一灘今始嘗三峽此其亞雨點
鼓士摻雲騰挽夫跨驚心度石林破眼見邨舍牛眠草
色裏犬吠竹林罅步頭可檣船安穩睡殘夜

蚤晴發廣安軍晚宿萍池邨莊

夜雨洗煩蒸曉風薦清穆雲頭墮鐵山日脚迸金瀑暑
塗一日涼遠客萬事足羈人正奔波觀者何陸續翠蓋
立嚴妝青裙行跣足俗陋介南徼物華入東蜀竹萌苦
已青荔子酸猶綠修蘆密成籬直柏森似燾泥乾馬蹄
鬆路坦亭堠速暮投何人莊窗戶暗修竹

蜀州西湖

荷花正盛開水月登舟亭也湖陰亭外
別有白蓮尤奇蜀中無菱至此始見之

閒隨渠水來偶到湖光裏仍呼水月舟徑度雲錦地誰

御選宋詩卷第十九
云不解飲我已荷香醉湖陰玉嬋娟復立紅妝外何須
東閣梅悠然自詩思驚風入午暑水竹有秋意采菱不
盈掬興與尊鱸會遙知新津宿冤夢亦清麗

古風送南郊

廬阜有佳人顏色皦冰玉不能時世妝蕭然古冠服紛
紜倚市門組麗眩紅綠妖歌促艷舞飛上黃金屋安知
乘鸞侶流落隨空谷風泉入環珮月露作膏馥梁肉豈
不珍淪雪煮黃獨聊用慰朝飢歲寒膚起粟綺叢三尺
塵無路到松竹誰能撫孤桐為奏招隱曲

御選宋詩卷第十八

御選宋詩卷第十九目錄

五言古詩十

陸游八十四首

楊萬里十五首

洪适六首

史浩一首

朱熹三十八首

朱熹三十八首
 史記一首
 共五十六首
 正言古詩十
 御選宋詩卷第十九目錄

御選宋詩卷第十九

五言古詩十

陸游

送曾學士赴行在

二月侍燕觴紅杏寒未拆四月送入都杏子已可摘流
 年不貸人俯仰遂成昔事賢要及時感此我心惻欲書
 加餐字寄之西飛翮念公為民起我得怨乖隔搖搖跂
 前旌去去望車軌亭鄣鬱將暮落日澹陂澤敢忘國士
 風涕泣效臧獲敬輸千一慮或取二三策公歸對延英
 清問方側席民瘼公所知願言寫肝膈向來酷吏橫至
 今有遺螫織羅士破膽白著民碎魄詔書已屢下宿蠹

或未革期公作醫和湯劑窮絡脈士生恨不用得位忍
辭責併乞謝諸賢努力光竹帛風疾立將赴官夔府書懷

病夫喜山澤抗志自年少有時緣龜飢妄出丐鶴料亦
嘗廁朝紳退懦每自笑正如怯酒人雖愛不敢醕一從
南昌免五歲嗟不調朝廷每哀矜幕府誤辟名終然斂
孤迹萬里遊絕徼民風雜夷徭封域近六詔淒涼黃魔
宮峭絕白帝廟又嘗聞此邦野陋可嘲誚通衢舞竹枝
譙門對山燒浮生一夢耳何者可慶弔但愁瘦纍纍把
鏡羞自照夔民多瘦無者
十才一二耳

嘯對宋夜讀兵書

孤燈耿霜夕窮山讀兵書平生萬里心執戈王前驅戰
死士所有恥復守妻孥成功亦邂逅逆料政自疎陂澤
號飢鴻歲月欺貧儒歎息鏡中面安得長膚腴

送金州趙都曹

霜葉無停聲脂車有行色正悲南浦秋又送清湘客啼
飢兒頰紅侍養親髮白努力事上官世路日已迫

金山觀日出

繫船浮玉山清晨得竒觀日輪擘水出始覺江面寬遙
波蹙紅鱗翠靄開金盤光彩射樓堦丹碧浮雲端詩人
窘筆力但詠秋月寒何當羅浮望湧海夜未闌

將離江陵

御選宋詩 卷一
暮暮過渡頭旦旦走隄上舟人與關吏見熟識顏狀癡
頑久不去常恐遭誚讓昨日倒檣于今日聯百丈買薪
備雨雪儲米滿餅盞明當遂去此障袂先側望即今孟
冬月波濤幸非壯潦收出奇石霧卷見疊嶂地險多崎
嶇峽束少平曠從來樂山水臨老愈跌宕皇天憐其狂
擇地令自放山花白似雪江水綠於釀竹枝本楚些妙
句寄悽愴何當出清詩千古續遺唱

繫舟下牢溪游三游洞二十八韻

舊觀三峽圖常謂非人情意疑天壤間豈有此崢嶸畫
師定戲耳聊欲窮丹青西遊過沔鄂莽莽千里平昨日
到峽州所見始可驚乃知畫非妄却恨筆未精及茲下

牢戍峯嶂畢自呈下入裂坤軸高騫插青冥角勝多列
峙擅美有孤撐或如釜上甑或如坐後屏或如倨而立
或如喜而迎或深如螺房或疎如窗櫺我巍冠冕古婀
娜髭鬚傾其間絕出者虎搏蛟龍獐崩崖凜欲隋修梁
架空橫懸瀑瀉無底終古何時盈幽泉莫知處但聞珩
珮鳴怪怪與竒竒萬狀不可名久聞三游洞疾走忘病
嬰竇穴初漆黑偃僂捫壁行方虞觸螫蛇頰見一點明
扶接困僮奴恍然出餅罌穹穹厦屋寬滴乳成微泓題
名歐與黃雲蒸蒼蘚平穿林走驚麇拂面逢飛鼯息倦
磐石上拾樵置茶鎗長嘯答谷響清吟和松聲辭卑不
堪刻猶足寄友生

黃牛峽廟

三峽東江流崖谷互吐納黃牛不負重雲表恣蹴蹋吳
船與蜀舸有請神必答誰憐馬遭刑百歲創未合施師
浪奔走烹彘陳酒榼紛然餽神餘羹炙爭噉還空庭多
落葉日暮聲颯颯竒文粲可辨高古篆籀雜邨女賣秋
茶簪花髻鬢匝襁兒著背上帖妥若在榻山寒雪欲下
虎出門早闔我行忽至此臨風久嗚嗚

航海

我不如列子神遊御天風尚應似安石悠然雲海中卧
看十幅蒲彎彎若張弓潮來湧銀山忽復磨青銅飢鶻
掠船舷大魚舞虛空流落何足道豪氣蕩肺胸歌罷海

動色詩成天改容行矣跨鵬背弭節蓬萊宮

鼓樓舖醉作

書生迫飢寒一飽輕三巴三巴未云已北首趨裋斜息
息出門去裘馬不復華短帽障赤日烈風吹黃沙俶裝
先晨雞投鞭後昏鴉壯哉利閭閻崖谷何谿訝地荒多
牧卒往往聞蘆笳我行春未動原野今無花稚子入旅
夢挽鬚勸還家起坐不能寐愁腸如轉車四方丈夫事
行矣勿咨嗟

十月十四夜月終夜如晝

月從海東來徑尺鎔銀盤西行到峩峩看玉宇萬里寬幽
人耿不寐弄影清夜闌五城十二樓縹緲香霧間不知

何仙人亭亭倚高寒欲語不得往悵望冰雪顏叩頭倘
見哀容我躡素鸞掬露以爲漿屑玉以爲餐泠泠漱齒
頰皓皓濯肺肝逝將從君遊人間苦無歡

夜行至平羗憩大悲院

憶昨遊天台夜投石橋宿水聲亂人語炬火散山谷穿
林有驚鶻截道多奔鹿今夕復何夕此境忽在目蒼茫
陂十里清淺溪數曲微霜結裘茸落葉拂帽屋下馬憩
邨寺頽然睡清熟覺來窗已白殘燈猶煜煜

寒夜遣懷

臨觴本不飲憂多自成醉四方行萬里不見埋憂地憶
昔入京都寶馬搖香鬃酣飲青樓夜歌聲在半空去日

不可挽華髮忽垂領娟娟我看月相對作淒冷月落照
空牀不寐聽寒螿早知憂隨人何用去故鄉

雙清堂夜賦

陸子病少間獨卧溪上堂人靜魚自躍風定荷更香素
月行中天流螢失孤光歸鳥飛有聲度此十里塘嗟我
獨何事遲暮客異鄉太息搔短髮起視夜未央

避暑江上

苦熱厭城市初夜臨江湍風從西山來頗帶積雪寒堰
聲靜尤壯噴薄如急灘頓遠車馬喧更覺衣裳單斷岸
吐缺月恨不三更看且隨螢火歸城扉欲橫關
數日寒頓減頗有春意感賦

微陰寒不力破臘春暗動林梢報梅白水際聞鳥啁羈
鴻漸整翮一一勞目送應憐飛蓬客猶作浣花夢平生
江淮間裘馬事豪縱豈知老畏死齋鉢受蔬供忍饞每
自笑小飲未敢痛何以慰寂寥卧聽壓春甕

秋日登仙遊閣

馬蹄連早暮車塵細如霧誰知此路邊高閣下風馭頗
傳秋月夕語笑聯杖屨始知仙與人混迹無異處我來
想鸞鶴稽首祈一顧飛仙不可見惟與白雲遇白雲如
有情傍我欄角住借問何山來雲驚却飛去

大醉歸南禪弄影月下作

昔我變姓名釣魚散花洲有船不用楫江急聽自流即

今客錦城醉過百花樓天風吹筍輿快若凌空游月露
浩無際指點隘九州君看塵土中頗有此樂不題詩碧
玉簡飛仙相答酬酒醒隨何處樓臺海山秋

月夕

開戶滿庭雪徐看知月明微風入叢竹復作雪來聲俗
塵不待埽凜然肺肝清林深無漏鼓鶴唳報三更

大醉梅花下走筆賦此

閉門坐歎息不飲輒十日忽然酒興生一醉須一石檐
頭花易老旗亭酒常窄出郊索一笑放浪謝形役把酒
梅花下不覺日既夕花香襲襟袂歌聲上空碧我亦落
烏巾倚樹吹玉笛人間竒事少頗謂三勅敵酒闌江月

上珠樹挂寒壁便疑從此仙朝市長埽迹醉歸亂一水
頓與異境隔終當騎梅龍海上看春色

梅龍蓋蜀苑中故物也

廣都江上作

微波不搖江織雲不行天我來倚杖立天水相澄鮮平
遠望不盡日落自生煙梅花耿獨立雪樹明前川好風
吹我衣春色已粲然東邨聞酒美買醉上漁船

遊萬里橋南劉氏小園

佳園寂無人滿地梅花香閒來曳拄杖臘月日已長朱
橋架江面欄影搖波光竒哉小垂虹夢破鱸魚鄉汀鷺
一點白煙柳千絲黃便欲喚釣舟散髮歌滄浪可憐隔
岸人車馬日夜忙我歸門復掩寂歷挂斜陽

張園觀海棠

朝陽照城樓春容極明媚走馬蜀錦園名花動人意嚴
妝漢宮曉一笑初破睡定知夜宴歡酒入妖骨醉低鬟
羞不語困眼嬌欲閉雖豔無俗姿太息真富貴結束吾
方歸此別知幾歲黃昏廉纖雨千點裛紅淚

劉郎浦夜賦

平生遠遊心睥睨萬里窄今年下三巴放浪浮七澤菰
蒲無遠近但見風索索浪高星辰濕天碧河漢白十年
散醉髮未易著朝幘守符尚可乞來作瀟湘客

雁翅夾口小酌

墟煙淡將散江雨細欲無回風吹衣襟晴光滿菰蒲隱

八樂此時清和如夏初犬吠船丁歸小市得美蔬歡言
酌清醪侑以案上書雖云泊江渚何異歸林廬

夜泊龍廟回望建康有感

我醉行水上身輕如飛煙魚龍互悲嘯伴我夜不眠羽
扇揮浮雲月挂牛斗間河漢橫復斜風露方浩然坡陀
石頭城寂寞七百年世事感予懷竦身入青天

病中懷故廬

我家山陰道湖山淡空濛小屋如舴艋出没煙波中天
寒橘柚黃霜落穉稭紅祈蠶簫鼓鬧賽雨雞豚空叉魚
有竭作刈麥無遺功去年一月留行役嗟息息今年歸
興動艤舟待秋風社飲可欠我寄書約隣翁

雨夜

牆西泥三寸牆東草三尺可憐白鹿泉蛙黽紛狼籍濕
螢如隕星入戶黏几席病夫本嗜睡况此風雨夕永懷
灤西寺更憶山南驛陳迹不可追昏然隨吾憤

督下麥雨中夜歸

細雨闇邨墟青煙濕廬舍兩兩犢並行陣陣鴉續下紅
稠水際蓼黃落屋邊柘力作不知勞歸路忽已夜犬吠
闖籬隙燈光出門罅豈惟露沾衣乃有泥沒胫誰憐甫
里翁白首學耕稼未言得一飽此段已可畫

春遊

平生樂行役不耐常閉戶今朝新雨霽一笑整巾屨青

御選宋言 卷一
猿導幽蹊春草伴微步雖云尊酒薄蔬果亦略具辛夷
發高枝楊柳吹隋絮行歌不知遠落日呼野渡橫林已
棲鴉淺水猶立鷺歸來意頗豪古錦有新句

夏夜

夏夜忽已半東岡月初生起行遶庭樹愛此露滴聲漂
流憶安卧局促念遐征幽懷誰晤語華觴還自傾
螢光喜暗庭桐葉矜冷雨幽人清不寐獨夜誰與處乾
坤信無情歲月遽如許明發視鏡中鬢絲添幾縷
庭荒蔓草長堂豁爽氣入悠然推枕起聊作倚杖立飛
螢亦避雨黏棟光熠熠南隣輸稅歸小婦愁夜汲
結屋在郊墟翛然謝炎熾窗扉故闌寂水竹亦幽邃飛

蟲望燈集棲燕衝雨至石枕與葛幘美哉今夕睡

夜汲

酒渴起夜汲月白天正青銅餅響寒泉聞之心自醒井
邊雙梧桐映月影離離上有獨棲鵲細爪握高枝我欲
畫團扇良工不可求三歎拊庭楯浩然風露秋

春曉東郊送客

雨餘氣清潤迨我送客時翻翻車蓋風五里城東陂初
旭斂花房晨露流桐枝南山卷濕翠更覺光景竒澄潭
集漁艇邨路亞酒旗欲歸且復留造物成吾詩

秋郊有懷

漫漫蕎麥花如雪覆平野離離豆子莢數枝忽堪把頗

御選文言 卷九
九
憶故鄉時屏迹謝車馬水宿依蟹舍泥行沒牛髀作勞
歸薄暮濁酒傾老瓦縷飛綠鯽膾花簇頰鯉鮓棄官雖
未決世念亦已且浩歌續楚狂幽懷欣獨寫
秋山瘦益竒秋水淺可涉出城西風勁拂帽吹脫葉新
霜折栗罇宿雨飽豆莢枯柳無鳴蜩寒花有穿蝶郊行
得幽曠頗覺耳目愜斷雲北山來欣然與之接挂冠易
事爾看鏡歎勛業永懷桑乾河夜渡擁馬鬣

自東津泛舟至桐溪

潮生東西津雨暗上下塢蕭蕭亂菰蒲拍拍起鳧鴨吾
船雖褊小尚可著一榻溪風吹醉頰高枕隨紗帽南山
浮濕翠偃蹇呼不答安得青蓮公傑句爲彈壓

晨入省中偶書

清風拂畫簾初日照素壁花枝蝶小憩草葉露時滴房
櫳闌無人溝水聲激激摩挲語枯筇伴我住幽寂

暮歸

意行無所之偶傍陂頭立空邨犬吠豪高樹蟬嘒急風
塵一身老海宇萬感集還家日已暮草露青鞋濕

藥圃

少年讀爾雅亦喜騷人語幸茲身少閒治地開藥圃破
荒圃瓦礫引水灌膏乳玉芝移石帆金星取天姥申椒
薜蕪葦一一粲可數次第雨苗滋參差風葉舉山僧與
野老言議各有取瓜香躬采曝泉潔謹炊鬻老夫病若

失稚子喜欲舞餘年有幾何長鏡真託汝

上書乞再任冲佑

虬枝六尺藤方屋九寸帽人間無處著山水歸寄傲耳
中聞淵明自我髮未燥高標不可揖七十忽已到明窗
置經龕奧室養丹竈雖云迫遲暮要足平昔好悠然萬
念空快若河卷埽寄聲幔亭雲行拜散人號

牧牛兒

南邨牧牛兒赤脚踏牛立衣穿江風冷笠敗山雨急長
陂望若遠隘巷忽相及兒歸牛入欄煙火茅簷濕

東城

墟落斂暮煙林梢偃新月河橋燈漸鬧柳岸船猶發薄

酒吹欲無佇立搔短髮誰知七十翁歲晚念裘褐

舟中詠落景餘清暉輕橈弄溪渚之句蓋孟浩
然耶溪汎舟詩也因以其句爲韻賦詩

獨鶴還故鄉歸然但城郭出門無與遊所至苦寂寞裏
飯事幽討此計殊不惡薄暮宿漁家蒼煙帶墟落
維舟入谷口信步造異境隔籬雞犬聲滿地梧楸影瓦
甌炊香稻石泉汲新井人間苦偏仄愛此須臾景
老圃髮如霜見客能廢鋤與坐使之年自云八十餘老
身六朝民草舍數世居力守遠祖言一字不學書
沿溪得茅店酒旗出柴荆杖頭錢已空一醉何由成主
人語鄭重手把甕面清勸我姑小留溪魚亦可烹

秦皇酒甕邊古有釣魚磯我來必竟日時挈雙鯉歸白
鷺真可人常先孤棹飛高詠江練句令人憶元暉
鏡湖三百里風止鏡面平持以照吾心俗塵安得生散
髮鷗鷺間萬事秋毫輕誰能拂東絹寫我孤舟橫
朝發雲根寺暮宿煙際橋冷螢濕不飛潛魚驚自跳菱
船歌裊裊荻浦風蕭蕭平明宿鳥起我亦理歸橈
古祠照滄波老木闕雲洞輕舟不搖楫正用一風送汲
井漱甘液埽榻寓幽夢所恨山未深城笳聽三弄
禹穴探斷簡樵風汎清溪倒影森松桂避船散鳧鷺塵
中有異境十里青玻璃高堦忽招人湖邊日未低
溪行已清秋還舍尚殘暑天公爲解圍簾櫳過疎雨青

蔬喜小摘紅粒亦新杵一飽坐北軒蘋花泣煙渚

六月一日曉賦

視夜明星高蟬聲滿庭樹殘骸幸差健散髮穿兩屨巖
扉手自開曳杖得徐步碧瓦浮青煙圓荷瀉殘露草木
無俗姿雞犬共幽趣兒來問晨炊一笑揮使去

春日雜題

梅花三十本圍以疎竹籬入春甫十日開遍南北枝少
年輕節物老大復苦衰坐見零落盡一杯初未持
客路行無窮漁唱聽不厭濤江西限吳雲岫南入剡蹇
驢過小市高柳擁孤店去去望前邨鴉歸煙欲斂

夏夜對月

薄雲歸欲盡殘雨久猶滴月入疎林間庭戶燦珠璧梅
天苦蒸鬱爽氣始此夕豈無一舴艋放浪天水碧散髮
黃鶴樓醉弄白玉笛真當舞魚龍詎止裂金石

避暑松竹間

雙松五丈高萬竹一尺圍上有林蟬鳴下有礪鳥飛正
午不見日我來每忘歸清詩忽陳前永與世俗違直北
有異境煙汀連釣磯何當霜雪時散髮櫛葉衣

漁父

千錢買一舟百錢買兩槳朝看潮水落暮看潮水長持
魚換鹽酪縣郭時下上亦或得濁醪不復計鉗盜浩歌
忘遠近醉夢隨莽蒼元真不可逢悠然寄遐想

敝廬

敝廬雖陋甚鄙性頗所宜歌傾十許間草覆實半之碓
聲隔柴門績火出枳籬縛木爲彘牢附垣作雞埒黃犢
放林莽蒼鶩戲陂池傭耕食於我客主同爨炊瓦盎設
大杓菹莧羹園葵一飽荷鋤出作勞非所辭上以奉租
賦下以及我私有錢即沽酒阡陌恣遊嬉亦有扶持者
婢跣奴髻椎欲畫恨無人後世考此詩

東岡

東岡竹千竿大者圍過尺微風生其間蕭蕭憂寒碧我
閒適一到散髮坐磐石萬事不累心清歎遂至夕此君
本傲世獨我有夙昔老情恐作疎時來寓琴奕

御選宋言 卷九
春社日效宛陵先生體

社雨

開歲纔幾時春社忽已及
茫茫草色深蕭蕭雨聲急
扶犁行白水不惜芒屨濕
邨童更可憐赤脚牛背立

社鼓

酒旗三家市煙草十里陂
林間鼓鼙鼙迨此春社時
飲福父老醉鬼我相扶持
君勿輕此聲可配豐年詩

社酒

農家耕作苦雨暘每關念
種黍蹋麩蘖終歲勤收斂
社瓮雖草草酒味亦醇醲
長歌南陌頭百年應不厭

社肉

社日取社豬燔炙香滿邨
飢鴉集街樹老巫立廟門
雖無牲牢盛古禮亦略存
醉歸懷餘肉霑遺徧諸孫

大雨

今年景氣佳有禱神必答
時時雖閔雨顧盼即霑洽
縣地千里間四月秧盡插
季夏雨三日淒爽欲忘筮
瀦水如塞河決水如放閘
几席亂鼃黽庭除泳鶩鴨
舍邊魚受釣戶外鷗可狎
飛螢最得意終夕自開闔
蕭蕭菰蒲聲恍若船入夾
嗟予亦耐事堅坐書滿榻
懸知穉穉收已足供伏臘
會約張志和清風從茗雪

山行

山光秀可餐溪水清可啜
白雲映空碧突起若積雪
我

御選宋言 卷一
行溪山間靈府爲澄澈峻嶒崖角立蟠屈路九折黃楊
與冬青鬱鬱自成列其根貫石罅橫逸相糾結上捫鷗
鷲巢下歷豺虎穴流泉不可見鏘然響環玦出山日已
暮林火遠明滅小憩得樵家題詩記幽絕

受陸文邨居

舍後盤高岡舍前面平野防盜枳作藩蔽雨篠代瓦

邨人

以篠覆屋如茅

數家相依倚百事容乞假薄暮耕樵歸共話衡門

下

獨行柳橋而歸

寒雲覆江干慘慘雪欲作草枯狐兔見鷹隼方縱搏老
翁卧蓬戶疾痛在腰脚忽覺意稍佳快若解束縛呼童

扶下堂西出度略徇浮波見鳧雁決起驚烏鵲籬根犬
迎吠碓下雞俛啄霜餘桑葉積春近柳枝弱徐行過傍
舍醉笑盛疇酢歲暮農事休羨爾羣飲樂

幽居即事

小磴落雪花修綆汲牛乳幽人作茶供爽氣生看宇年
來不把酒杯榼委塵土卧石聽松風蕭然老桑苧
屏居江海涯杳杳菰蒲深俛仰夏令中澤國正多陰桑
椹熟已紫水鳥時遺音偶得一瓢酒鄰里聊相尋

晚聞庭樹鴉鳴有感

烏鵲棲我庭將旦輒散去此豈厭所棲亦以飲啄故一
飢能驅人擾擾無晨暮不然亦已矣豈樂塵土汙我有

茆三間自少鮮外慕力耕自足食雞豚亦可具晚雖誤
收召疾走如脫兔六年楓林下不知歲月度殘骸幸強
健沽酒徧山步鄉語謂湖山間小聚爲山步醉歸每自笑不負此芒屨平
生愛方外雖老冀有遇秋風送片帆更上剡溪路

山行

五尺桄榔杖二寸楸櫚冠往來山谷中髮白面渥丹初
非乳石力所得懷抱寬入寺不尋僧自愛松風寒松風
晚少靜我意殊未闌却尋歸邨路白石明青灘

夜坐憶剡溪

早睡苦夜長晚睡意復倦斂膝傍殘燈拭背展書卷時
時搔短髮稍稍磨凍硯更闌月入戶皎若舒白練便思

泛樵風

溪名

次第入剡縣名山如高人豈可久不見

道上見邨民聚飲

霜風利如割霜葉淨如埽正當十月時我行山陰道場
功俱已畢歡樂無壯老野歌相和答邨鼓更擊考市壚
酒雖薄羣飲必醉倒雞豚治羹馘魚鱉雜鮮蕘但願時
太平鄰里常相保家家了租稅春酒壽翁媪

初寒

重雲蔽白日陂港日夜涸秋風纔幾時已見霜雪作人
生各有分豈必衣狐貉吳中冬蔬茂盤筯不寂寞搏泥
治牆屋伐篠補籬落薄酒亦醉人問子何不樂

送春

印

陸游

六

新葉張翠幄落花作紅茵山蔬旨且柔家釀清而淳以
我垂老境送此將歸春我固惜流年春亦記陳人江山
處處佳風月日日新蹇驢度松岡短檝橫煙津蘭亭人
已遠遺韻猶清真却下木柵市天風吹角巾

晚步門外

槐葉已成陰楸花亦離離日暮門無人追我逍遙時左
持漆園書右挾栗里詩風從湖面來成此一段奇石路
雖甚狹雅稱拖筇枝少頃山月明照我角巾欹

甕池

甕甕東階下豔豔一石水買魚畜其間鱖鱖三十尾力
微思及物為惠止於此無風水不搖得志魚自喜涵泳

藻與蒲永不畏刀几飯罷時來觀相娛從此始

稽山

我識康廬面亦撫終南背平生愛山心於此可無悔晚
歸古會稽開門與山對奇峰綰髻鬟橫嶺埽眉黛豈亦
念孤愁一日變萬態風月娛朝夕雲煙閱明晦一洗故
鄉悲更益吾廬愛東偏得山多寢食鮮不在寧無度世
人談笑見英槩御風倘可留為我傾玉漉

南軒

今年秋早涼七月已蕭然南山修竹下枕簟終日眠時
將半殘夢聽此欲斷蟬推枕起太息四序忽已遷功名
隋渺茫衰疾方連綿新月獨多情窺窗淡娟娟

朱子雲園中觀花

我鬢忽已白君顏非復朱花前一杯酒不樂復何如暮
看枝上花已覺不如早富貴當及時吾輩奈何老我欲
君起舞竟日爲君留安知花無情不解替人愁長安二
三月花滿上林中祝君早得意歸轡聽玲瓏

楊萬里

人日出遊湖上

放聞冷泉亭抽動一天碧平地踏雪山晴空下霹靂去
時數點雨歸時數片雪雨雪兩不多山路雙清絕舊臘
緣多雪新年未有梅慙懃下天竺隔水兩株開

微雨玉井亭觀荷

猛雨打萬荷怒聲戰秋輦水銀忽成泓一瀉無復遺不
如微雨來翠盤萬珠璣荷翻珠不落細響密更稀清如
雪融窗三更夢開扉對君君不信對鏡當自知

明發陳公徑過摩舍那灘石峰下

遙松煙未消近竹露猶滴石峰矜孤銳喜以江自隔清
潭涵曦紫碧岫過雲白回瞻宿處堤路轉不可覓地迴
人絕影山僻虎留跡下有無底潭上有欲落石是間一
徑橫夾以萬松直樹從何時有陳公所手植陳公今焉
在徑松自寒碧

昨宵望石峰相去無一尺今日行終朝祇繞石峰側石
峰何曾遠江路自不直仰瞻碧孱顏清峽如立壁反覆

得細看何必更登陟後顧江已遠前顧山若塞棹進岸
自回天水未有極簾欣入絕巘舟愕觸潛石東瞰澹未
熹北吹寒更寂岸草不知愁向人弄晴碧

澄潭湧晴暈不風自成花回流如倦客出門復還家江
晴已數日新漲沒舊沙知是前溪雨濕雲尚橫斜山轉
江亦轉江行山亦行風鬟照玉鏡素練縈青屏我本山
水客澹無軒冕情塵中悔一來事外懷孤征忽乘滄浪
舟仰高俯深清餐翠腹可飽飲滌身須輕鷓鴣不相識
還作故園聲

過單竹洋徑

兩山何許來此焉忽相尋摩肩不少讓爭道各載駸喬

木與修竹相招爲茂林無風生翠寒未夕起素陰天垂
木末近日到谷底深空山時一響已動客子心行到幽
絕處更聞啼怪禽

清遠峽四首

峽水都是泉非雨原自足不知幾滴珠成此一川玉旁
將山染翠仰爲天寫綠何當雪月夜孤艇葦間宿
清晨霧雨重不敢開船門小窗試微啟逗入一船雲何
曾燒龍麝香霏遶吾身身在雲水上何許覓點塵

清遠望峽山山脚無半里小舟行其間五日翠未已並
馳兩蒼龍中夾一玉水送我到英州渠當自回轡

誰開峽山寺政要避世喧深潭無來路斷崖有青天療

飢摘山果擊磬煩嶺猿人跡今擾擾祇緣一漁船
初約山寺遊端爲怪竒石那知雲水鄉化作錦繡國入
門徑深深過眼秋寂寂隔竹小亭明稠紅漏疎碧山僧
引幽踐絕巘恣佳陟三步綺爲障十步錦作壁爛如屏
四圍搭如帔五色滿山盡芙蓉山僧所手植秋英例臞
淡此花獨腴澤却憶補外時朝士作祖席是間萬株梅
冷射千巖石舊遊不可尋雪枝半榛棘

後圃散策

花徑雨後涼樹聲風外戰杖屨頓輕鬆兒女同行散少
者前已失老者後仍倦隔林吹笑語相聞如對面明明
去人近眇眇彌步遠松杉滿地影一瞬忽不見仰觀紫
日輪偶度白雲片佳處留再來前山未須徧

碧落堂晚望荷山

荷山非不高城裏自不見一登碧落堂山色正對面如
人卧平地躍起立天半指揮出伏兵萬騎橫隔岸後乘
來未已前驅瞻已遠晨光到巖壑人物俱舊絢綠屏紛
開閣翠旗閃舒卷安得垂天虹橋虛度雲巘老鈴偶報
事郡庭集賓贊怱怱換山中默默下林坂

舟過柴步寺

野寺隔疎樾遠舟見深殿獨徑通絕崖長縈度微線曩
遊攜童弱攀岸已震眩前瞻足未到下窺意先轉朝來

御選言 卷一
經雲根塵思起清羨野夫三二輩走過疾於箭俛仰二
十年今老懷昔健

東園醉望暮山

我居北山下南山橫我前北山似懷抱南山如髻鬢懷
抱冬獨暖髻鬢春最鮮松鬢沐初淨山葩插更妍我來
猶斜陽我望忽夕煙一望便應去不合久憑欄山意本
自惜如何許人看急將白錦障小隔青髻顏近翠成遠
淡縹緲天外仙誰知絕竒處政在有無間頃刻萬姿態
可翫不可傳

洪适

擬古

錄六首

行行重行行

行行重行行南北各倦遊昔人重離別一日嗟三秋如
何三秋暮相見尚悠悠方寸正紆軫何以寫我憂仰瞻
衡漢移俯對蘭菊遂臭味雖云同光塵若爲異迴風淒
且發飄我別時袂欲知長相思披衣不勝體

青青河畔草

青青河畔草英英籬邊菊亭亭當窗女濯濯手如玉淵
淵錦中意粲粲未盈幅藁砧天一涯刀頭誤行卜却鏡
怨新眉誰教遠山綠

明月皎夜光

明月皎夜光瑟瑟扇商籟衡紀直西躔雲章斜左界感

彼林薄凋歲律倏云邁蜻蛚誰汝憐悽悽鳴戶外昔我
耐久朋著鞭遊方泰慰藉繒縞輕金蘭舊盟改東井不
及泉須女無儔配君看貢公綦白首愧傾蓋

冉冉孤生竹

冉冉孤生竹成陰幽谷中幸來君子室葛藟施喬松喬
松千百尋攀附猶可窮思君江水深褰裳難爲從同心
而偏棲愧彼摩霄鴻灼灼芙蓉花凌波媚芳風非不努
力愛秋老無復容昔盟倘不寒誰歎久西東

迢迢牽牛星

迢迢牽牛星奕奕停梭女尋盟整瑤轡絨情遵漢渚欣
讌未斯須別愁看已度黃姑不我留殘機忍重顧翻羨

巫山雨朝朝楚王遇

明月何皎皎

明月何皎皎舒光瑩窗綺宛轉羞空牀披軒步庭際故
愛同一心新愁今兩耳咫尺相會難迢迢若千里况復
千里隔憂端無窮已

史浩

賜宴澄碧殿抵暮錫金蓮燭宿玉堂直廬命作
季秋中浣日淳熙隆四禩朝回攬轡間中使俄傳旨少
頃日轉申宣召陪燕喜預令埽玉堂深夜備棲止悚懼
跪承命鳴騶亟穿市絳闕聳皇居非煙常靡靡入自東
華門熊羆森爪士詔許乘肩輿安徐無跛倚復古距選

德相望幾數里修廓按雲漢岿堯燦珠藥中途敞金扉
恍若蓬壺裏羣山擁蒼壁四顧環弱水山旣日夕佳水
亦湛無滓冰簾映綺疏瓊殿中央峙澄碧耀宸奎龍神
爭守視蹈舞上丹墀天威不違咫奉觴祈萬壽時蒙一
啟齒餘波丐鼠腹酒行不知幾徘徊下瑤席緩步煩玉
趾從遊至清激錫坐談名理泉聲韻琴瑟一洗箏笛耳
皇云萬幾暇觀書每來此論道及帝王直欲齊其軌堯
舜禹湯文前身無乃是臣言非獻諛道實由心起旣然
明是心要在力行爾登橋酌餘壘飲興未容已金蓮引
雙燭再拜離階祀玉音寵諭臣此會宜有紀歸途感恩
榮占寫忘翫

朱熹

擬古八首

離離原上樹戢戢澗中蒲娟娟東家子鬱鬱方幽居濯
濯明月姿靡靡朝華敷昔爲春蘭芳今爲秋薜蘿寸心
未銷歇託體思同車
綺閣百餘尺朝霞冠其端飛欄麗遠漢曲楹何盤桓清
謠發徽音一唱再三歎借問誰爲此佳人本邯鄲微響
激流風浮雲慘將寒爲言何所悲遊子在河關不恨久
離闊但憂芳歲闌願爲清宵夢燕昵窮餘歡
上山採薇蕨側徑多幽蘭采之不盈握欲寄道里艱沉
憂念故人長夜何漫漫芳馨坐銷歇徘徊以悲歎

御選宋詩 卷十九
佳月朗秋夜蟋蟀鳴空堂大火西北流河漢未渠央野
草不復滋白露結爲霜梁燕起高飛雲雁亦南翔念我
同心子音形阻一方不念執手歡隔我如參商禹龍不
爲澤畫餅難充腸金石徒自堅虛名真可傷
鬱鬱澗底樹揚英秋草前與君結歡愛自比金石堅金
石終不渝歡愛終不踈一夕遠離別悠悠在中途相思
未云變音容定何如傷彼三秋蕖灼灼層華敷盛時不
可留恐逐嚴霜枯夫君來何晚賤妾長離居
高樓一何高俯瞰窮山河秋風一夕至憔悴已復多寒
暑遞推遷歲月如頽波離騷感遲暮惜誓閔蹉跎放意
極驩虞咄此可奈何邯鄲多名姬素豔凌朝華妖歌掩

齊右緩舞傾陽阿徘徊起梁塵綵繚紛衣羅麗服秉竒
芬顧我長咨嗟願生喬木陰夤緣若絲蘿

夫君滄海至贈我一篋珠誰言君行近南北萬里餘結
作同心花綴在紅羅襦雙垂合歡帶麗服眷微軀爲君
一起舞君情定何如
衆星何歷歷嚴宵麗中天殷憂在之子起步荒庭前出
門今幾時書札何由宣沉吟不能釋愁結當誰憐臨風
一長歎淚落如奔泉

邵武道中

風色戒寒候歲事已透遲勞生尚行役遊子能不悲林
壑無餘秀野草不復滋禾黍經秋成收斂已空畦田翁

喜歲豐婦子亦嘻嘻而我獨何成悠悠長路岐凌霧即
曉裝落日命晚炊不惜容鬢凋鎮日長空飢征鴻在雲
天浮萍在青池微踪政如此三歎復何爲

友人黃子衡欲之上庠以詩留行

若士有竒操久厭山林卑奮衣千里道已與親友辭子
行何悠悠世路方如茲歸來亦何日車馬光陸離幽蘭
生前林擢置白玉墀不以芳意遠結根終不移願子崇
明德潛躍貴因時悲風靜夜聽喬木歲寒姿何以迴軒
駕千載相與期

奉酬丘子野表兄飲酒之句

微褐不充體寒夜懷重衾古來窮廬士歲暮多苦心苦

心亦何爲世路多崎嶇不藉杯中物離憂坐自侵舉杯
當勿辭何爲復沉吟醺酣遺所拘神慮契遐襟荒酒思
前戒歡謠發清音雅唱一何高仰酬非所任申章聊敘
報洪量亦予欽

古意

兔絲附樸檉佳木生高岡弱蔓失所依佳木徒蒼蒼兩
美不同根高下永相望相望無窮期相思諒徒爲同車
在夢想忽覺淚沾衣不恨歲月邁但惜芳華姿嚴霜萎
百草坐恐及茲時盛年無再至已矣不復疑

送劉旬甫之池陽省覲六十四丈遂如行在所

上計

雨雪成歲暮之子遠徂征酌酒起相送慨我別離情池
陽實大藩佐車屈時英子行一請覲上計趨吳京良玉
懷貞操芳蘭含遠馨臨岐一珍重即此萬里程

晨起對雨二首

淒冽歲云晏雨雪集晨朝高眠適方起四望但蕭條遠
氛白漫漫風至林靄消流潦冒荒塗清川亦迢迢遐瞻
思莫窮端居心自超覽物思無託即事且逍遙

晨起候前障白煙眇林端雨意方未已后土何時乾倚
竹聽蕭瑟俯澗聞驚湍景物豈不佳所嗟歲已闌守道
無物役安時且盤桓翳然陶茲理貧悴非所歎荒面思

客舍聽雨

沉沉蒼山郭暮景含餘清春靄起林際滿空寒雨生投
裝即虛館簷響通夕鳴遙想山齋夜蕭蕭木葉聲

社日諸人集西岡

郊原暖芳物細雨青春時前岡遐敞地登覽情無遺農
畝懷歲功壺漿祝神釐我慚里居氓十載勞驅馳今朝
幸休閒追逐聊嘻嘻笑語歡成舊盡醉靡歸期

雨中示魏惇夫兼懷黃子厚二首

讀書春日晏雨至滿郊園一灑幽叢竹藹藹清陰繁齋
居無還往鎮日空掩門欲將沖靜趣與子俱忘言
暄風變春餘卉木日蔥蒨林間一雨來滿庭寒草徧寂
寞謝朋儔晤語懷雋彥良無一水遙阻闊何由見

杜門守貞操養素安冲漠寂寂闕林園心空境無怍細
雨破新筠微風動幽籟聊成五字句吟罷山花落浩然
與誰期放情遺所託

晨登雲際閣

晨起踏僧閣徙倚望平郊攢巒夏雲曉蒼茫林影交暫
釋川途念憩此煙雲巢聊欲託僧宇歲晏結蓬茅今曉
藕葉蓋波面池花猶未紅聊承曉露餘散步詠涼風香
氣已飄忽客懷誰與同唯應同遊子芳意更怱怱

自溪口買舟至順昌示同行者

時燠倦長途買舟至西郭煙波方渺然坐此溪上閣子
留且歡宴我去成蕭索同行不同調此意誰與託

倒水坑作

窮幽鮮外慕殖志在丘園即此竟無得空恨歲時遷川
陸縣半載煩燠當歸緣憩此蒼山曲洗心聞澗泉

對雨

虛堂一遊矚驟雨滿空至的皪散方塘冥濛結雲氣勢
逐風威亂望窮山景翳煙靄集林端蒼茫欲無際涼風
襲輕裾炎氛起秋思對此景淒淒還增冲澹意

齋居聞磬

幽林滴露稀華月流空爽獨士守寒栖高齋絕羣想此

時鄰磬發聲合前山響起對玉書文誰知道機長
又聞琴作

瑶琴清露後寥亮發窗間韻逐回風遠情隨元夜闌端
居獨無寐林扉空掩關起望星河落哀絃方罷彈
讀道書作六首
巖居秉貞操所慕在元虛清夜眠齋宇終朝觀道書形
忘氣自冲性達理不餘於道雖未庶已超名跡拘至樂
在襟懷山水非所娛寄語狂馳子營營竟焉如
失志隨塵網浩思屬滄洲靈芝不可得歲月逐江流碧
草晚未凋悲風颯已秋仰首鸞鶴期白雲但悠悠
白露墜秋節碧陰生夕涼起步廣庭內仰見天蒼蒼東

華綠髮翁授我不死方願言勤修學接景三元鄉
四山起秋雲白日照長道西風何蕭索極目但煙草不
學飛仙術日日成醜老空瞻王子喬吹笙碧天杪
鬱蘿聳空上青冥風露淒聊乘白玉鸞上與九霄期激
烈玉簫聲天矯餐霞姿一回流星盼千載空相思
王喬吹笙去列子御風還至人絕華念出入有無間千
載但聞名不見冰玉顏長嘯空宇碧何許蓬萊山

京原元秋雨

一雨散林表清陰生廣庭喜茲新秋夜起向高齋行煩
敲獲暫祛涼氛集華纓沉沉遠林氣愜此端居情節物
坐如此撫世襟方盈歸當息華念超遙悟無生

坐此秋夕懷子厚二首
雨歇林氣爽月華湛遙暉齋居翫物變廓落滄洲期焚
香散碧虛撫節陳清詩抗志屬雲端非君諒誰知
涼氣沉齋宇夕陰未渠央寒栖屬遙夜長簟卷單牀浮
雲蔽中天愁霖隔秋窗思君空晤對耿耿何能忘

病中呈諸友
窮居值秋晦抱疾獨齋居行稀草生徑一雨復旬餘交
親各所營曠若音塵疎始悟端居樂復理北窗書讀誦
興已闌起坐方躊躇綠樹滿空庭策策涼颿初良時不
復停煩吝未云祛還思對君子日夕佇軒車

冬雨不止
忽忽時序改白日藏光輝重陰潤九野小雨紛微微蒼

山寒氣深高林霜葉稀田家秋成意落落乖所期曠望
獨興懷戚戚愁寒飢事至當復遣且掩荒園扉

御選宋詩卷第十九

雨歇林氣爽
 香散碧虛無
 涼氣沉齋宇
 雲蔽中天愁
 隔秋窗思君一
 語對耿耿何能忘

嗚謝宋結卷第十次

窮居值秋晦
 病獨齋居行
 掃草坐極一
 兩復旬餘文
 氣各所營曠
 若青塵疎始
 悟端居樂復
 理北窗書讀
 斷興對知知
 愁寒順事至
 當剪盡且蘇
 荒園氣夜時
 不
 山寒扉采高
 林露葉蘇田
 家林火意蒼
 蒼車前照翻
 望
 瑟瑟和氣如
 白日蘇夫鞅
 重劍闢火理
 小雨餘燐燐
 蒼



